

ОДИЛ ЁҚУБОВ

1955 ГБ УзССР
18258

ДАСТЛАБКИ ҚАДАМ

(Хикоялар)



Ni $\frac{13742}{2g}$

ЎЗБЕКИСТОН ССР ДАВЛАТ НАШРИЕТИ

ТОШКЕНТ - 1956

9254



ДАСТЛАБКИ ҚАДАМ

Дарсдан кейин мени бош вожатий ўз кабинетига чақириб, мактаб комсомол ташкилотининг қарорини ўқиб берди. Мени 5-нчи „Б“ синфининг Олег Кошевој номли пионер отрядига вожатий қилиб тайинлашилти.

Комсомол комитетининг секретари Каримжон ака ҳаяжонланиб кетганимни сезди шекилли, оппоқ тишлигини кўрсатиб жилмайди.

— Юрагинг дов бермаяптими? — деб сўради у секин.

Ерга тикилиб ўйланиб қолдим. Мен комсомол сафига бултур кирганман. Ҳали отряд вожатийси бўлиб ишлаб кўрмаганман. Тажрибам йўқ. Шуни айтмоқчи бўлдим-у, лекин индамадим. Нега десангиз, комсомолга кирганимдан бери бирорта мас'улиятли вазифада ишлашни орзу қиласдим. Жуда ҳам орзу қиласдим.

— Қўрқма, Сайёра, эплаб кетасан, — дели Каримжон ака. — Рост, бу отряд орқада қолаяпти. Синфда интизом наст. Ўзлаштиrolмайтганлар ҳам бор. Қисқаси, қаттиқ

ишлашга тұғри келади. Лекин... вазифаны бажараоли-
шинингга ишопаман.

— Ҳартарафлама ёрдам берамиз, әплаб кетасан! —
деди бошвожатий ҳам.

У отряд пионерларининг рўйхатини берди. Эртага
пионерлар блай танишиш кераклигини айтди.

Бошвожатийнинг кабинетидан чиққанимда жуда
жаяжонланаётган бўлсам ҳам ичимда хурсанд әдим.
Менга шундай мас'улиятли вазифани топширганлари
учун мағрур ҳам әдим. Фақат: „Эплайоламанми? Бола-
лар блан дўстлашиб кетаоламанми, йўқми?“ деган са-
воллар менга тинчлик бермасди.

Ростини айтсам, отряд вожатийси бўлишимни ўтган
йили комсомол сафига кирганимдаёқ билганиман. Ҳатто
бир йилдан бери тайёрланиб ҳам келардим. Қандай
қилиб дейсизми? Бунинг учун мен вожатийларнинг иш
таҗрибаси ҳақида Ҷайлган анча китобларни ўқиб чиқ-
дим. Педагог - ёзучи Макаренконинг китобларини ўн
марталаб ўқигандирман. Михаил Иванович Калинининг
ёшларни коммунистик руҳла тарбиялаш ҳақидаги ки-
тобини эса сра қўлдан қўймайман.

Вожатийлик қилаётган ўртоқларим блан тез-тез
таплашиб тураман. Уларнинг ишини кузатиб бораман...
Умуман, чинлан ҳам анча нарсани ўргандим, шекилли...
Шунга қарамасдан бош вожатийнинг хабари мени шо-
шириб қўйди. Ахир бу жуда жиддий вазифа-да! Тўғри,
Каримжон ака айтгандек, қаттиқ ишлашга тўғри кела-
ди. Ўтиздан ошиқ шўх бола блан иш олиб бориш,
улар блан дўстлашиб кетиш ҳазилакам эмас!

Ўйга келгач, овқатланиб бўлиб ишга киришдим.
Олдин рўйхатни ўқиб чиқдим. Отряд советининг раиси
Ра'но Воҳидова экан. Уни биламан. Яхши қиз. А'лочи.
Звено бошлиқларидан иккитаси ўғил бола, учинчиси
қиз. Рўйхатдаги ба'зи исмларнинг қаршисига ғалати
сўзлар ёзилган эди: „Исомов Аҳмад — жуда шўх. Дарс
вақтида тинч ўтирумайди“. „Ботирова Ҳалима — ўқиша

бұшроқ. Айниңса арифметика блан географиядан оқсайди. Ердамга мұхтож". „Зуннунов Айвар — интизом-сиз, үқишидан күра футболни күпроқ севади"...

Юрагимдаги шубҳа яна күчайди. Ўйға чүмдим.

Мен эртага бүләдиган бириңчи учрашувнинг ақсияти катта әканини билардим. Чунки яхши вожатий бўлиш учун бириңчи кунданоқ болаларнинг юрагида ўзимга ишонч уйғатаолишим керак. Лекин бу ишончни қандай қилиб уйғотаман?..

Ёдимга негадир Каримжон ака тушди. Мен унинг бириңчи марта биэга вожатий бўлиб келганида ўзини қандай тутгани, нима ишлар қилғанини эслайбошладим.

Ёдимда: у синфга кулиб кирди. Ўзини жуда содда тутди, қизиқ сўзлар айтиб ҳаммамизни кулдирди. Кейин болаларнинг ҳаммасини ишга жалб қилиб, шундай қизиқтириб қўйдики, уни дарров яхши кўриб қолдик...

Албатта, Каримжон ака бошқа, мен бошқа. У жуда ақлли, ўзи спортчи. Болалар эса спортчиларни яхши кўрадилар. Ундан кейин тажрибаси ҳам катта. Мен бўлсан ҳали тажрибасизман, ёшман. Болалар менга бўйсунишармикин? Эртага сўзимга қулоқ солмасдан тўполон қилишса нима дейман?.. Йўқ, йўқ, ундаи бўлиши мумкин эмас. Ахир мен астойдил ишламоқчиманку! Шу тилагимни амалда кўрсатаолишим керак. Сўз блан эмас, амалда кўрсатиш им керак.

Мен келажакда қиласын ишларим ҳақида узоқ ўйладим. Яхши ҳам кечқурун радио футбол-матч репортажини әшиттирди. Мен футболни жуда яхши кўраман. Агар ўғил бола бўлганимда албатта футболчи бўлардим.

Репортаж шунчалик қизиқ бўлдики, мен отрядни унутиб, уйқуга кетгунча футбол тўғрисида ўйлабман.

* * *

Эртялаб атайин спорт костюмимни кийдим. Комсомол значогимни тақдим.

Мактабга кетишида папкамга Михаил Иванович Калининнинг „Коммунистик ахлоқ“ деган ажойиб китобчасини ҳам солиб олдим. У менга далда берар, юрагимда қандайдир ишонч туғдирап эди.

Мактабда жуда ҳаяжонланиб юрдим. Менга вожатий бўлганимни худди ҳамма биладигандек, ҳамма фақат шу тўғрида гаплашаётгандек туюларди.

Дарсдан кейин Каримжон ака икковимиз синфга кирдик. Бизни яхши қарши олишди. Болалар ўринларидан турдилар. Ра'но рапорт берди.

Мен болаларга тик қарашга нечукдир ийманар эдим, юрагим қаттиқ урар, юзим анордек қизариб кетган эди. Болалар эса шўх кўзларини мендан узмасдан тикилиб қолдилар.

Олдинги парталарда қизлар блан бўйи пастроқ ўғил болалар ўтиарди. Мен дарров Анвар блан Аҳмадни қидирдим. Улар орқа томонда эдилар.

Каримжон ака мени болалар блан таништириди. Синфдаги камчиликларнинг йўқотилишига, бу йил энг яхши отрядлар қаторидан жой олишимизга ишонч билдириди. Кейин „Дадил бўл, Сайёра!“ дегандек кўзи блан имо қилиб, жилмайди-да чиқиб кетди.

Мен ўзимни йўқотиб қўйдим, нима дейишими, гапни нимадан бошлишимни билмай қолдим. Болалар буни дарров пайқашган бўлса керак, бир минутгина олдин менга жимгина тикилиб қолган ўттиз жуфт кўздан бирдан шўх учқунлар чақнади. Орқадан „пиқ“ этган кулги өшитилди. Аҳмад бўлса:

— Бизга вожатий сиз бўлибсиз-да, Сайёра опа!— деди афсусланниб.

— Шундай ҳам вожатий бўларкан... Каримадан ҳам кичкина-ку!— деди Анвар.

Орқада ўтирган болалар кулиб юбордилар. Кулги кучайиб кетиши хавфи бор эди. Мен буни дарров сезиб:

— Ўртоқлар, интизомни сақланглар!— дедим қошла-

римни чимирганимча.—Шунчалик ҳам ҳурматсизлик бұладими?

Қизиқ, үәзимни жиддий тутиб гапирған бұлсаң ҳам сүзларим нима учундир болаларга та'сир қилмади. Орқада ўтирган Айвар блан унинг шериклари зса, яна қаттықроқ күлдилар. Тұсатдан Айвар құлнини күтариб қолди.

— Нима дейсиз, ўртоқ Зуннунов?—деб сүрадым.

— Учар балиқлар ҳам бұлар әмиш-а? Агар шу рост бұлса, қайси деңгизда яшайды улар?—деди Айвар. Унинг юмалоқ қора күзларида, лабининг четида күлги аломатлари күрінди.

Ростини айтсам, мен шошиб қолдым. Чунки қанотлик балиқлар бор әканлигини эштеган әдим-у, лекин уларнинг қайси деңгизде яшашини билмас әдим,

— Бу саволни нега бердингиз?—дедим түшүнмасдан.—Хозир ўрни әмас-ку!

— Айтib берақолинг!—деди Айвар.

Мен: „Ҳиңд океанида яшайды, деяқолсамыккін?“ деб үйладым-у, лекин бу фикримдан қайтдым, чунки шу вақт Михаил Иванович Калининнинг ростғүй бұлыш түғрисидеги сүзларини әслаб қолдым; унинг болалар ба'зіда үқитучини сиаб күриш учун атайн шундай саволлар бериши ҳақида айтған сүзлари ёдимга тушди.

Шу вақт Михаил Иванович Калининдан қандай миннатдор бұлғанимни билсанғыз әди! Унинг доно сүзлари мени нотұғри қадам қўйи shadedan сақлаб қолди. Айварнинг мақсадига ҳам тушундым: у мени синамоқчи әди.

Мен Михаил Иванович Калининнинг ажойиб китоб-часини ихтиёrsiz равишда кўксимга маҳкам босиб:

— Ўртоқ Зуннунов!—дедим ишонч блан.—Қанотлик балиқлар бұлнши рост. Броқ уларнинг қайси деңгизде яшашини билмайман. Агар жуда қизиқсанға, саволи-нгизга эртага жавоб бераман...

Айвар „яхши“ дегандек бош силкитди. Лекин ўтираётib:

— Вой, шуни ҳам билмас эканлар а!... — деди.

Кўпчилик болалар Анварнинг кулгисига негадир қўшилмадилар. Бу мени севинтирди. Синфдаги шовшув ҳам анча пасайди. Фақат Анвар блан унинг ёнидаги болаларгина мени менсимагандек шўхликларини давом этдиришарди. Уларни ҳам интизомга бўйсундириш керак эди.

Тўсатдан миямга бир фикр келди. Мен уларнинг шовшувини босиш учун атайин баланд овоз блан:

— Болалар, отрядимизда футболчилар борми? — деб сўрадим.

— Нима қилди? — деди Анвар.

— Ўзимиз команда тузамиз, — дедим.

— Ростданми? — Анварнинг овозидан унинг шубҳаланаётгани сезилиб турарди. У менинг футбол ўйинидан хабардор эканлигимга ишонмас эди.

— Болалар, ўзимиз команда тузамиз, — дедим мен сўзимни такрорлаб ва болаларда шубҳа қолдирмаслик учун футбол терминларини ишлатиб, сўзимда давом этдим: — Қани, ким марказий ҳужумчи бўлади? Ким ҳимоячи бўлиб ўйнаган? Дарвазабонликка ким уста?

Болалар таажжубланишиди. Лекин бир минутдан кейин қий-чув бошланиб кетди. Қувончли овозлар эшитилди.

Мен қўлимни кўтариб:

— Болалар, навбат блан гапириш керак! — дедим.

Болалар итоаткорлик блан жим бўлишиди.

— Анвар, — дедим мен атайин унга мурожаат қилиб, — команда тузишни сенга топшираман. Шунисини вайтиб қўяйки, командага дарсни ўзлаштираолмаётган, интизоми паст болаларни қабул қилмайсан. Ҳатто у яхши футболчи бўлса ҳам қабул қилма... Эртага дарсдан кейин рўйхатни менга топширасан, хўпми?

Анвар бош силкитди. Мен унинг қизариб кетганини сезсан ҳам ўзимни билмасликка солдим.

Энди сұҳбатни бошлаш мумкин эди. Мен, Карим жон ака маслаҳат берганидек, олдин рўйхатни олиб

жарбир пионер блан алоҳида танишиб чиқдим. Кейин қилинадиган ишларга ўтдим. Лекин бу тұғрида күп гапирмадим. Нега десандыз, болаларнинг қуруқ гапга ишонмасликларини яхши билардым. Мен ишни яхши бар деворий газета чиқаришдан бошлашни таклиф қилдым.

— Редколлегия сайланганми?

— Сайланган,— деди Ра'но,— броқ яхши рассомимиз йўқ.

— Наҳотки бутун бошли синфда расм солишини биладиган ўқучи бўлмаса?

— Аҳмад-чи?— деди кимдир.

— Аҳмад интизомсиз,— деди Ра'но,— уни сайлаб бўлмайди!

Аҳмад четга қаради. Мен унинг қулоқлари шолғом-дек қизариб кетганини кўриб, ҳеч тараддулланмасдан:

— Болалар, менингча, Аҳмад бундан кейин интизомли бўлади, уни сайлашимиз мумкин,— дедим ишонч блан.

— Тўғри, ўртоқ вожатий!

— Сайлаймиз!

Энди фақат иш планини тузиш қолди. Мен звено бошлиқлари блан Ра'нодан ташқари ҳамма болаларга кетишга рухсат бердим. Ўзим эса, ичимда энди нима бўлар экан деб кутиб турдим. Мен янгишмаган эканман: болалар синфдан чиқиб кетаётуб, мен блан самимий хайрлашдилар. Юрагим севинчга тўлди. „Энг қийини ўтди, эндигиси ҳеч гап эмас!“— деб ўйладим мен.

Иш планини тахминан тузиб бўлгач, звено бошлиқлари ҳам тарқалишди, мен комсомол комитетига кириб, кейинроқ чиқдим. Ҳовлида, гулзор ўртасидаги фонтан ёнида бир тўп болалар қизғин баҳслашмоқда эдилар. Болалар мен тўғримда гаплашаштаганини сезиб, ихтиёрсиз равишда қадамимни секинлаштирдим.

— Киз бўлса ҳам футбол ўйинини яхши билар экан-а?— деди болалардан бири.

— Айварни боплади! — деди иккинчиси.

Учинчиси эса:

— Шунчаки айтди қўйди-да! — деб кулди.

— Рост, ҳамма вожатийлар бошда шундай қилади-ю, кейин...

— Тиш... келаяпти!

Мен тўсатдан жим бўлиб қолган болалар ёнидан ўтиб, кўчага чиқдим.

— Йўқ, энг қийини ҳали олдинда! Айтилган сўзинг устидан чиқмасдан туриб, бу болалар блан дўстлашиб олиш қийин!

* * *

Эртасига синф раҳбари Нафиса опа блан танишдим. Нафиса опа институтни шу йил тамомлаган ёш ўқитучи вкан. Унинг ҳам кўкрагида комсомол значоги бор эди.

Мен уни бирпасдаёқ севиб қолдим. Чунки унинг катта-катта қўнғир кўзларида, мулоим кулимсираб гапиришида чуқур самимилик сезилиб турарди.

Мен унга болалар блан қандай танишганлигимни гапириб бердим. Бу Нафиса опага жуда ёқди. Михаил Иванович Калининнинг ростгўйлик тўғрисидаги сўзларини жуда тўғри тушунганимни айтди. У менинг ишни деворий газетадан бошламоқчи эканимни ҳам, футбол командаси туэмоқчи бўлганимни ҳам — ҳаммасини тўғри деб топди. Унга Аҳмадни редколлегия а'золигига сайлаганимиз айниқса ма'қул бўлди.

— Жуда соз, Сайёрахон, — деди Нафиса опа қўлимни олиб, — бирга ишлашамиз!

Шу гапдан кейин ўзимда янги куч пайдо бўлганини сездим, ишончим ошиди.

Дарсдан сўнг мен редколлегия а'золарини тўплаб, ғиди гаплашмоқчи бўлиб турган әдим, қаёқданdir Айвар келиб қолди. У жуда хурсанд әли.

— Ўртоқ вожатий, буйруғингиз бажарилди! — деди

у ҳарбийлардек күкрагини кериб.— Мана рўйхат. Команда сизни залда кутиб турипти.

Анварнинг топширилган вазифани шундай тез бажаргани мени ҳайрон қолдирди. Ҳаммамиз залга чиқдик.

Команда худди ўйинга тайёрлангандек сафга тизилган эди. Сафнинг бошида узун бўйли Собир — дарвозабон, энг охирида ўрта бўйли, лекин елкаларининг кенглигидан ююмолоқ бўлиб кўринадиган Жалил турарди. Мен рўйхатга кўз ташладим. Унда Жалил ярим ҳимоячи дейилган эди. Умуман, вазифаларнинг ҳаммаси тақсимланган, фақат команданинг капитани белгиланимаган эди. Мен Анварнинг капитан бўлмоқчи эканини дарров сездим. Ҳаёлимдан: „Нима қилиш керак? Уни капитан қилиб тайинласак, ўқишини унугиб қўймасмикин?“ дегани фикр ўтди.

— Ким капитан бўлаолади?— дедим ўзимни билмасликка солиб.

Болалар бир-бирларига қарадилар.

— Анвар бўлиши керак, албаттаги— деди Собир.

— Яхши,— дедим мен.— Тўп борми?

— Бўлмасам-чи!— деди Анвар севиниб кетиб.— Ҳозироқ машқни бошлаб юборамиз.

Футболчиларнинг орқасидан қараб қолган Аҳмад:

— Анвар қойил қиласди!— деди.

— У футболни қойил қилса, сен газетани қойил қил, Аҳмад!— дедим мен.

Қоғоз тайёр, рассом бор, энди фақат материал тўплаш қолган эди. Мен камчиликларни очиб ташлайдиган танқидий материалларни кўпроқ излашни таклиф қилдим. Аҳмад ҳам:

— Тўғри, кўпроқ танқид қилиш керак!— деб фирмими қувватлади.

Газетани ҳафтанинг тўртинчи куни тайёр қилиб, олтинчи куни осишга қарор қилдик.

Шу куни уйга кетаётуб Павлик Морозов номидаги пионер отрядининг вожатийси Қодирни учратдим.

— Сайёра, мен сени қидириб юрган әдим,— деди Қодир.

— Нима гап?

— Сен футбол командаси ташкил қилған әмишсан, ростми?

— Рост!

— Молодец, Сайёра! — деди Қодир. — Жуда яхши иш қилибсан.

— Яхши әканини сен айтмасанг ҳам биламан,— дедим кулиб.

— Ҳали ҳам мақтамоқчи әмасман. Мен фақат дам олиш куни сенинг команданғ блан дүстона учрашув үтказсак деган әдим.

— Эҳа, бизнинг болалар өнди машқ қилабошлашди-ку! — дедим күймасдан, лекив Қодирнинг хафа бўлганини сезиб, болалар блан гаплашиб кўришга ва'да қилдим.

Болалар бу хабарни шодлик блан қарши олишди.

— Кўрқманг, ўртоқ вожатий, бўш келмаймиз! — деди Анвар.

— Ростданми? — дедим ишонмасдан. — Кейин уялиб қолмайлик?

— Йўқ, уялиб қолмаймиз! — дейишди болалар.

Шунда ҳам ишонгим келмасдан улар блан бирга спорт майдончасига бориб, ўйинларини кўрдим. Анча дуруст ўйнашар өкан. Менга айниқса Анвар блан ярим ҳимоячи Жалилнинг ўйинлари ёқди. Анвар жуда тез югурур, қарши томондаги ўйинчиларга тўпни бермас, шу блан бирга бир ўзи ўйнамасдан, тўпни ўз команда-сидагиларга ҳам тез-тез узатиб турад әди...

Ўйга кетаётib футболчилар гўғрисида газетага битта мақола ёзишини ўйлаб қўйдим.

Газетага йиғилган материалларни кўриб чиқиш учун сешанаба куни яна тўпландик. Фақат Аҳмад келмади.

— Аҳмад мақола йўқлигини эшишиб кетиб қолди,— деди Ра'но.

— Нега мақола йўқ?— дедим ҳайрон бўлиб.— Битта ҳам мақола йўқми? Наҳотки синфда ҳеч камчилик бўлмаса? Дарсга кечикиб келучилар, уйга берилган вазифани бажармасдан келадиган дангасалар, интизомни бузучилар йўқми? Битта ҳам йўқми-а?

— Бор, албатта,— деди Ра'но,— масалан, иккинчи звеноғдаги Шарифа... У доим дарсга кечикиб келади.

— Агар редколлегия а'зосининг ўзи интизомни бу-зучи бўлса-чи?— деб сўради Шарофат.

— Масалан ким?

— Аҳмад. У бугун тарих дарсида қоғоздан қуш ясаб, учириб ўйнади. Болаларни кулдириб дарсга ха-лақит берди.

— Бу жуда яхши материал-ку!— дедим мен.— Аҳмад бошқаларнинг суратини боллашдан кўра ўзининг суратини бопласин!

Фактлар топилгач, мақола ва ҳабарларни кечқурунгача ёзиб тамомладик. Кейин ҳаммасини Нафиса опага олиб бориб кўрсатдик. У газетанинг маъмунини дуруст деб топди, лекин муваффақиятларни ҳам кўрсатиш кераклигини айтди. Бошмақолани ўзи ёзиб берадиган бўлди.

Эрталаб мени Ра'но қидириб келди. Унинг нимадандир жаҳли чиққани билиниб турарди: юзи қизариб кетган, қора кўзлари чақнар эди.

— Сайёра опа-чи, Сайёра опа, Аҳмад ўзимнинг рас-мимни солмайман, деяпти!

— Нега?

— Қайдам...— деди Ра'но.— Агар, дейди, бу мақола босиладиган бўлса, дейди, газетада ишламайман, дейди.

— Яхши, кўрамиз,— дедим бошқа нима дейишимни билмасдан. — Аҳмадга айт, дарсдан кейин кетиб қол-масин.

Редколлегия учинчи марта йигилишга мажбур бўлди. Мен тўғридан-тўғри Аҳмадга мурожаат қилиб:

— Сен ўзинг тұғрингда ёзилған мақоланиң басындағы қарши өмишсан, шу ростми? — деб сүрадим.

— Рост, албатта, — деди Аҳмад.

— Нега қаршисан?

Аҳмад юзимга тикилди. Унинг күзларыда самимій таажжуб ифодаси күринди:

— Чунки... Редколлегия а'зоси тұғрисида ҳам шунақа мақола ёзиладими? — деди Аҳмад. — Үнда менинг обрүйим қолмайди-ку!

Мен ўзимни кулгидан зұрға тұхтатдым.

— Сен ўз-ўзини танқид деган нарасын әшитғанмисан? — деб сүрадим.

— Эшитғанман, — деди Аҳмад.

— Эшитған бұлсанғ, бундай қилимас әдінг.

Аҳмад ўрнидан турди.

— Мәйли, босаверинглар, — деди у бирдан жаҳли чиқиб.—Лекин мен газетандыра ишламайман.

Мен ҳам ўрнимдан турдым.

— Яхши, — дедим секин, — агар танқиддан шунчалық құрқсанғ, мақолани босмаслигимиз ҳам мумкин...

Шунисини айттайки, мен сени шунчалық құрқоқ деб үйламаган әдім, Аҳмад.

Аҳмад ялт әтиб қарадио, лекин юзи чидамасдан четга тикилди. Унинг қулоқлари лоладек қизарған әди.

— Ҳечким құрқоқ әмас! — деб ғудурлади у.

— Шундағы дегин... Қани, бұлмаса айтгын-чи, — дедим мен,— айб қилиб құйып, уни бүйніга олғиси келмаган одамни құрқоқ демасдан, ботир десак бүладими?..
Лекин ростини айт!

Аҳмад индамади. Фақат қулоқлари баттар қизарған кетди.

— Ра'но, — дедим мен, — мақолаларни Аҳмадға бер, расын солаверсін. Аҳмад ҳақида ёзилған мақолани мен-га бер.

— Йўқ! — деди Аҳмад бирдан кўзларимга дадил тикилиб. Унинг қорачадан келган юзи қипқизил бўлиб ёнар, қўй кўзлари мағрур чақнаб турад әди.

— Уни ҳам беравер, Ра'но. Мен қўрқоқ әмасман. Мен... мен айб қилсам, бўйнимга олишдан қўрқмайман.

Мен ўзимни тұтолмасдан:

— Молодец, Аҳмад! — деб қичқириб юбордим.

Ра'но мақолаларни унга узатар экан:

— Ўзингнинг суратингни қандай қилиб соласан? — деб кулди.

— Буни ўзим биламан! — деди Аҳмад, әнсаси қотгандай.

Уларни синфда қолдириб, Анварларнинг ўйинини кўриш учун спорт майдончасига кетдим.

Футболчиларнинг бугунги ўйини менга яна ҳам ёқди. Анварнинг яхши ташкилотчи эканига батамом ишондим. Броқ, афсуски, футболчилар тўғрисидаги мақолани босолмадик. Нега десангиз — өртаси куни Анвар олтинчи соатдан сўрамай кетиб қолипти. Сабабини суриштирсан, янги тўп сотиб олиш учун магазинга кетган экан. „Нима қилиш керак? — мен ўйланиб қолдим. — Биринчи марта-ку бу, кечирсаммикин? — Йўқ, — дедим ўйимда, — бундай интизомсизлик блан биринчи қадамдан курашмаса бўлмайди“.

Мен кечаси ёзган мақоламни йиртиб ташлаб, бошқа мақола ёздим. Аҳмад карикатура ишлади. Расмда деразадан сакраб тушган Анвар бошидан учеб тушган дўпписига, сочилиб кетган китобларига ҳам қарамасдан қочиб борарди.

Аҳмад мардлик қилди, у ўзининг расмини ҳам ишлади.

Расмда у партанинг тагига яшириниб олиб, қофоз қуш учирмоқда әди... Умуман айтганда, газета ёмон чиқмади. Фақат Анваргина газетага яқин келмасдан четроқда юрарди.

„Мақола қаттиқ та'сир қилғанга ўхшайди“ — деб ўйладим ичимда.

Дарсдан кейин синфга кириб, әртага Павлик Морозов номидаги отряднинг футбол командаси блан дўстона учрашув бўлишини айтдим, отряддаги ҳамма пионерларнинг спорт майдончасига келишларини сўрадим. Болалар бу хабарни зўр хурсандлик блан қарши олишди. Броқ шу вақт нима бўлди денг? — Командамизнинг капитани, умидимиз ва фахримиз бўлган Анвар ўрнидан туриб, ўйинга қатнашмаслигини қат'ий ра-вишда э'лон қилди.

Болалар албатта, унга ёлворабошлилар.

— Анвар, сен бўлмасанг ютқазиб қўямиз! — деди Жалил.

Анвар худди шуни кутиб тургандай:

— Нега бўлмаса газетага ёзадилар? Нима, мен дарсдан ўзим учун кетибманми? — деди.

Ҳамма болалар бирдан менга қарашибди. *Мас'улиятли* бир пайт келганини сездим. Чунки менгатикилган шўх кўзларда „Анвар чиндан ҳам ўзи учун қилмаган-ку! Нега ёзасиэ?“ деган савонни кўрдим.

Мен ҳаяжонланаётганимни сездирмаслик учун паст овоз блан:

— Сен тўп олиш учун дарсдан сўроқсиз кетиб, интизомни қаттиқ буздинг, Анвар, — дедим. — Шуни бўйнингга оласанми?

— Мен ўзим учун эмас...

— Йўқ, жамоат иши дарсга халал бериши керак эмас... — дедим мен, — қани жавоб бер, интизомни бузганингни бўйнингга оласанми?

— Оламан, — деди Анвар секин.

— Демак, газетадаги танқид ҳам тўғри экан. Шундайми?.. Нега бўлмаса, интизомингни тузатиш ўринига, ўйинга қатнашмайман деб ёш боладек аразалаб ўтирибсан? Уялмайсанми?

Болалар ялт этиб яна унга қарадилар.

— Ўйнамайман дедимми — ўйнамайман! — секин, лекин ўжарлик блан такрорлади Айвар.

Бирдан синфда чуқур жимлик чўқди. Мен нима дешини ўйлаб, бирпас жим турдим, кейин:

— Айт-чи, Айвар, сен ўз отрядингни яхши кўрасани, йўқми? — деб сўрадим. — Лекин тўғрисини айт.

— Албатта яхши кўраман-да! — деди Айвар.

— Жуда яхши. Лекин бу сўзингнинг қанчалик тўғри эканини эртага кўрамиз, — дедим кўзларимни ундан узмасдан. — Чунки эртага бўладиган ўйин отрядимизнинг шон-шарафи учун бўладиган ўйин. Шунинг учун ўз отрядини яхши кўрган футболчи бу ўйинга албатта қатнашади, ҳатто бутун кучини сарф қилиб, ўйинда ютиб чиқиш учун курашади, — дедим мен. — лекин ўз отрядини ҳурмат қилмаган футболчи ўйинга қатнашмаса ҳам бўлади.

Шу вақт кимдир:

— Тўғри! — деб қичқирди.

Болалар бирдан қарсак чалиб юбордилар. Мен жуда ҳаяжонланган эдим.

Залда Каримжон ака учраб қолиб, хавотир олиб сўради:

— Хуш, нима бўлди, Сайёра? — У юзимга тикилди. — Тинчликми?

— Тинчлик! — дедим кулиб. — Эртага Қодирнинг отряди блан футбол ўйнаймиз...

— Эшитдими, эшитдим, албатта келаман, — деди Каримжон ака.


Ховлида мени Ра'но блан Жалил кутиб туради.

— Ўртоқ вожатий, борди-ю, келмай қолса нима қиласиз? — деди Ра'но.

— Келади, — дедим мен. — Қўрқмасдан эртага бир даста гул олиб келавер.

— Нима қиласиз?

— Кўрасан, — дедим мен бирдан хаёлимга келгани яхши фикрдан кулимсираб.



Үғил болалар хўп серғайрат бўлнишади-да! Эрталаб спорт майдончасига келсам улар қаердандир шланг то-ниб, майдончага сув сепишаштган экан.

Иккала отряднинг футболчилари ҳам йигилган эди. Бизнинг футболчилар қизил майка, Қодирнинг отрядидагилар кўк майка кийган эдилар. Футболчилар дарвозага тўп киргазиб ўйнамоқда эдилар.

Уларга кўзим тушиши блан юрагим „шув“ этиб кетди: Анвар йўқ.

Ўйинни кўриш учун бошқа отряд пионерлари ҳам келмоқда, майдонча байрам кунларида гидек безатилган. Ҳаво ҳам баҳорни эслатади. Осмон беғубор. Фақат сарғаябошлаган дараҳт япроқларигина куздан даррак беради.

Бирвақт катта букет кўтариб Ра'но келиб қолди. Ана, Каримжон ака блан Нафиса опа ҳам келишди.

Нафиса опа менга савол назари блан тикилди. Мен нима дейишимни билмасдан йўлга қарадим ва бирдан юрагим қаттиқ уриб кетди: мактаб томондан Анвар кўринди!

Тўққизга беш минут қолганда судья Каримжон ака биринчи ҳуштакни берди. Иккинчи ҳуштакдан кейин ҳарбир отряд ўз командасини қарсак блан узатиб қолди. Учинчи ҳуштак. Ўйин бошланди.

Мен ҳечқачон, ҳатто машҳур командаларнинг ўйинини кўрганимла ҳам бунчалик ҳаяжонланмаган әдим. Биринчи тайм жуда суст ўтди. Фақат танаффусга бешолти минут қолганида қўшни команда футболчилари бизнинг дарвозамизга биринчи тўпни киритдилар. Собир яхши ҳаракат қилди, броқ бу тўпни тутолмай қолди...

Майдон шовқин, кулги, қарсакдан жаранглаб кетди. Лекин бизнинг отряддаги болаларнинг шашти пастроқ әди.

Танаффус вақтида ҳарбир отряд ўз футбольчиларини ўраб олди. Мен олдин Анварни четга чақириб гап-

лашмоқчи бўлган әдим, лекин кейин унинг уялаётганини сезиб, индамадим. Нафиса опа командамиздаги-ларнинг кўнглини кўтариб:

— Ҳали вақт кўп, курашиш керак! — деди.

Иккинчи тайм тўсатдан қизиб кетди. Бизнинг футболчилар ўйиннинг бошиданоқ ҳужумга ўтдилар. Лекин қўши команда ҳам бўш келмади. Ўйиннинг ўртасида Анвар уларнинг кучли мудофаасини ёриб ўтиб, дарвозага биринчи тўпни киритди...

Ҳаммамизнинг руҳимиз кўтарилиб қолди. Команда-нинг ўйинида ҳам уюшқоқлик кучайди. Бирпасдан ке-йин Анвар ярим ҳимоячи Жалилнинг ёрдами блан иккинчи тўпни киритди. Ҳисоб бизнинг фойдамизга ик-ки-ю, бир.

Шундан кейин Қодирнинг командасида интизом пасайиб кетди. Ўйин тамом бўлиши олдидан бизнинг футболчилар уюшқоқлик блан ҳужум қилиб, учинчи тўпни киритдилар.

Судъя ҳуштак чалди. Болалар худди шуни кутиб тургандай тўсатдан майдоннинг ўртасига отилдилар. Улар ўз дўстларини табриклаб бўлганларича Нафиса опа икковимиз четроқда кутиб турдик. Кейин болалар бизга йўл бердилар.

Мен қўлимни орқамга қилиб, гулдастани яширганим-ча футболчилар олдига бордим. Анвар негадир ерга тикилди. Лекин кейин, футболчиларга отряд совети номидан ташаккур билдириб, катта гулдастани унга узатганимда лаблари бирдан титраб кетди, нима қилишини билмасдан бир менга, бир Нафиса опага қаради, гулдастани қўлимидан олдию, броқ шу заҳотиёқ яна ўзимга узатди.

— Йўқ, йўқ, Анвар, усеники, Нафиса опам — ҳамма-миз сенга тақдим қиласмиш, — дедим кулиб.

— Ўртоқ вожатий, бутун команда номидан шуни сиз олишингизни сўрайман! — деди Анвар, кейин Нафиса опага қараб ёлворгандай: — айтинг, олсинлар, — деди.

— Олақолинг, Сайёра,— деди Нафиса опа ҳам.

Мен кучли қарсаклар остида гулдастани олдим.
Күзларимга бирдан келиб қолган ёшни күрсатмаслик
учун юзимни гуллар орасига яширдим.

Мен орзу қилған чинакам дүстлик бошланған әди.
Шу пайт комсомол топширган вазифани бажараоли-
шимга, ўз отрядимни мектаб бүйича биринчиликка чи-
қараолишимга ишондим. Қаттиқ ишондим. Ўртоқлар!

1953 йил.





КАПТАР

Кечаси рўй берган бу воқиа эрталабоқ бутун мактабга тарқалди: 6-нчи „Б“ синф ўқучиси Карим Раҳимов тунда бир капитар тутган эмиш, капитарнинг оғзида ҳалқаси бор эмиш, ундан нотаниш тилда ёзилган хат чиққанмиш!

Бу хабар оғиздан-оғизга ўтиб, бир зумда ҳамманинг қулогига етди. Кўп болалар Каримни кутишга сабр қилмасдан уларникуга қараб чопдилар.

Карим дарс бошланишидан яром соат олдин келди. Болалар уни дарров ўраб олиб, ҳарёқдан савол берабошладилар.

... Ўтган куни эрталаб Карим уйга топширилган ше'рни ёдлаш учун боққа чиқди.

Қушлар уйғонган, боғ уларнинг шўх ва қувончли чуғирлашига тўлган эди. Карим китобини ўқиганича боғ ўртасидаги ёлғизоёқ йўлдан секин юриб бораркан, тўсатдан кекса тутнинг пастки шохларидан иккита капитар учиб, уни чўчитиб юборди. Карим тўхтади. Кап-

тарининг биттаси жуда ёввойи бўлса керак, ўзини Назираларнинг боғига уриб, кўздан йўқолди. Иккинчиси тутнинг юқори шохига қўнди-да, мовий кўзларини Каримга тикканча bemalol ўтираверди.

Олдин капитарга ётибор бермасдан нари ўтабошлиган Карим бирдан тўхтади: у капитарнинг чап оёғидаги кичкинагина ҳалқани кўриб қолди!..

Карим юрагининг қаттиқ урабошлаганини сезди ва тутга яқинлаши.

У янгишмаган эди: бу капитар ҳақиқатан ҳам ўтган кузда Назира иккиси тутиб олиб, оёғига хат солинган ҳалқача боғлаб учирив юборган ёввойи капитар ёди! Худди ўшанинг ўзгинаси ёди!..

Карим кўзларини катта очиб қотиб қолди.

Капитар ҳам худди Каримни таниб қолгандек унга ёввошгина тикилиб қўрқмасдан ўтираверди...

Уша куни Карим нима қилганини эслайолмайди. У ҳаммани таажжубда қолдириб ўйчан юрар, бутун хаёли капитарда ёди.

Қоронги тушган ҳамон Карим ботинкасини ечдию, ялангоёқ боққа чиқди. Бое зимзиё ёди. Салқин тун шабадаси япроқларни шитирлатиб ўйнарди. Карим жуда ёҳтиётлик блан борарди. Кекса тутга яқинлашгач, қадамини яна ҳам секинлаштириди.

У аниқ кўринмас ёди. Лекин Карим уянинг қайси шохда ёканлигини ва унга қўли bemalol етишини кундузи кўриб, билиб қўйган ёди.

У қаддими секин ростлади, титрайбошлиган қўлини секин чўзди... Эҳ! Биттаси учди! Шохларга тегаётган қанотларнинг шошилинч тапиллаши ёшитилди... Броқ Карим эркин нафас олди: унинг бармоқлари тутилган капитарнинг оёғидаги ҳалқата теккан ёди!..

Карим азиз қушни ёҳтиётлик блан кўксига босган ҳолда тутдан тушди.

Сўнг айвонда бирпас тўхтади. Ёввойи капитарни тутганини кўрса дадаси уришиб беришини эслаб,

німа қилишини билмай үйланиб қолди. Кейин құшниси, синфдоши Назираларниң киңі.

Назира уйда бир үзи дарс тайёрлаб үтиради. Үтісатдан кириб, құлларини орқасында қилиб тұхтаган Каримни күриб, сұради:

— Ҳа, німа қилиб юрибсан?

— Мен...— Карим чуқур нағас олди,— мен үтгап йилги каптарни тутиб олдым.

— Вой, ростдан-а?— Назира ўрнідан сакраб турди.— Кани? Ҳалқасы ҳам йүқолмабдими?

— Йүқ!

Назира каптарни Каримдан секін оларкан:

— Бунча қаттиқ ушламасаң! Патларини әзіб юборибсан-ку!— деді койиган овоз блан. Сұнг каптарнинг оғылдаги ҳалқаны құздан кечираркан, ҳайрон бўлиб деді:

— Бу ҳалқа бошқа-ку, Карим! Биз боғлаган ҳалқа кичкина әди. Бу ундан каттароқ!. Хатни рус тилида әзган әдик-а? Нима деб әзган әдик? Ҷаңгдами?

Карим қошларини чимириб бироз үйлади:

„Бу каптарни тутиб қайтадан учирған Ленин номлы мектабнинг пионерлари Карим Раҳимов блан Назира Сайдова. Ким тутиб олса құйыб юборсın. Чунки каптар—тинчлик символи! Яшасын тинчлик!“ деб әзган әдик. Кейин адресимизни...

— Унутмабсан! Тұғри!— севиниб деді Назира.

У каптарни Каримга тутқаэди-ю, ҳалқадан әхтиёткорлик блан хатни суғуриб олди. Ҳалқадан бир варақ юпқа оқ қоғоз чиқди. Қоғоз араб алифбесида әзилған хат блан тұлдирилған әди.

— Бу німа?— Назира ҳайрон бўлиб Каримга қаради.

Карим ҳайрон бўлиб каптарга тикилди. Каптар вса, Каримнинг құлида ёавошгина үтирад әди.

— Энди німа қиласын?— сұради Назира.

— Бу хат четелден!..— деді Карим.— Бунақа алифбеда бизнинг мамлакатимизда ҳечкім ёзмайди.

— Ро-о-ст! — деди Назира, — бу хат жуда узоқдан бўлса керак... Каптар қишида иссиқ мамлакатларда бўлган-ку... — деди Карим.

Болалар ҳайрон бўлиб, бир-бирларига қараганча бир-вас жим қолишиди.

— Энди нима қиласиз? — деди ниҳоят Назира.

— Билмадим.

Қани энди ҳозир кундуз бўлсал Югурганча каптарни мактабга олиб бориша! Илож йўқ. Ҳозир туни, кўплар уйқуда. Эртагача кутишга тўғри келади...

Каптарни Назира олиб қолди, оёғидан боғлаб, дон берди, пиёлада сув қўйди. Карим яса хатни кўкрак чўнтағига солиб, чиқиб кетди.

Ўша кечада улар анча вақтгача ухлайолмадилар. Иккаласининг ўйи ҳам ажойиб қуш блан сирли хатда эди.



Карим ўртоқларига каптар блан сирли хатни ҳали кўрсатиб бўлмаган ҳам өдикӣ, уни мактаб директори-нинг кабинетига чақириб қолдилар. У ерда директордан ташқари кўпчилик ўқитучилар тўпланган эди. Гап каптар устида борарди.

Директор — институтни яқинда тамомлаб келган ёш йигит — Каримни ёнига ўтқазиб, ундан каптар тўғрисида сўради. Карим бўлган воқиани бир бошдан гапириб бўлгунча директор блан ўқитучилар темир ҳалқани, ундан чиқсан хатни ва каптарнинг ўзини навбатманавбат кўриб чиқдилар. Лекин ҳечким хатни ўқийолмади... Рост, кекса ўқитучилардан ба'зилари араб алифбесини билар эдилар, броқ хатнинг қайси тилда ёзилганини улар ҳам аниқлайолмадилар. Директор ўқитучиларга бир-бир қараб чиқди, кейин:

— Нима қиласиз, ўртоқлар? — деб сўради.

Ҳамон хатга тикилиб ўтирган кекса адабиёт ўқитучиси Азизов кўзидан кўзойнагини олиб, хатдан бош кўтарди:

Бу хат жанубдаги мамлакатларнинг бирортасидан келган,— деди у негадир Каримга мурожаат қилиб.— Балки Покистондандир. Менингча, капитар жанубга кетиб қишилаган, кейин ўтган йили бу ерга ўрганиб, тинчгина бола етиштиргани учун яна қайтиб келган... Шундай бўлиши мумкинми, ўртоқ Юнусова?

Биология ўқитучиси, сочига оқ оралаб қолган аёл — Юнусова капитарнинг патларини силар экан:

— Мумкин,— деди ўйчан.— Ўргангандан жойига қайта учиб келиш одати қушларда тез-тез учраб туради...

— Демак шундай экан! — деди Азизов.— Бу қушни у ерда бирор тутуб олган бўлиши мумкин, лекин у Каримнинг хатини кўриб қолгандан кейин жавоб ёзиб қайта учирив юборган бўлса керак...

Ҳарким ҳартурли фикр юритабошлаган эди, директор соатига кўз ташлаб:

— Хўш, энди нима қиламиш? — деб сўради.

— Менингча, хатни шарқшунослик институтига юбориб, таржима қилиб беришни сўраш керак,— деди Азизов.— Улар йўқ демаса керак.

— Мен ҳам бу фикрни қувватлайман,— деди директор. Кейин Каримга қараб давом этди:— Институтга мен ўзим хат ёзаман... Бугун 22 апрель. Еиринчи майгача жавоб келиб қолади. Үнгача капитарни боқиб турасан, бўлтими?

— Хўп! — севиниб деди Карим.

Эшикда ўн-ўнбеш бола Каримни кутиб турерди. Карим чиқиши блан уни яна ўраб олдилар:

— Директор нима деди, Карим?

— Хатни ўқишидими?

— Ким ёзиши?

— Нима депти?

Карим, худди мажлисга раислик қилаётгандек, қўлини кўтариб шовқинни босди.

— Ҳечким ўқиёлмади. Дириекторимиз уни Тошкентга юбориб, таржима қилдирадилар...

- Каптар-чи?
- Каптар қолади. Хатга жавоб келгүнча боқиб турамиз,— деди Карим.

* * *

Байрам арафаси. Охирги дарсдан кейин болалар китоб-дафтарларини йигишириб, уйларига югурмоқчи бўлиб турган эдилар: „Болалар, тарқалмасдан залга чиқинглар, капит олиб келган хат ўқилади!“ деб ә'лон қилинди. Бу хабар бир зумда синфларни, кутубхона, зал ва тўғаракларни шамол тезлигида айланиб чиқди. Зал өшигининг олди бирпасда сершовқун бўлиб қолди.

Байрам муносабати блан байроқлар, шиорлар, гуллар блан безатилган зал бир зумда пионерларга лиқ тўлди. Саҳнага директор блан адабиёт ўқитучиси Азизов чиқди.

— Жим! Тинч!..— деган овозлар өшитилди ва усиэ ҳам жимиб қолган зал чуқур сукутга чўмди.

— Болалар! Бу хат Покистондан экан, ҳозир мен уни ўқиб бераман...— Азизов йўталиб олди, кейин хатни қўзларига яқин тутиб, ўқийбошлади:

„Нотаниш ўртоқ! Бу капитарни тутиб олсанг дарров қўйиб юбор. Унга озор берма. Бу капитар бизнинг қишлоғимизга „Яшасин тинчлик!“ деган муқаддас рус сўзини келтирди... Биз ҳам бу капитарни яхши хат келтиргани учун яна қўйиб юбордик...“

Биз унинг бир мамлакатдан иккинчи мамлакатга ўтиб әркин учиб юришини ва қуйидагиларни хабар қилишини истаймиз: Покистон халқи урушни истамайди!

Нотаниш ўртоқ! Биз сенинг кимлигингни, исмингни, қайси мамлакатда яшашингни билмаймиз, лекин сен бир нарсани унутмагин: агар сен ҳаётни севсанг, агар севимли ўғилчанг ёки жажжи қизчанг бοғингда ўйнаб-ўссин десанг, биз ҳамавақт сени қўллаб-кувватлаймиз! Биз — гўзал Покистоннинг узоқ тоғ қишлоғида яшовчи

камбағал деҳқонлар, хаёлимизда сенинг қўлингни қаттиқ сиқамиз, ишларингга муваффақият тилаймиз.

Ҳайр, нотаниш ўртоқ! Тинчлик иши улуғ иш! Биз ҳам, мамлакатимиизда тинчлик учун курашучи кишилар қаттиқ қувғин остига олинишига қарамасдан, бутун кучимизни тинчлик ишига бағишлаймиз!. Сен ҳам маҳкам бўл! Яшасин тинчлик!

Деҳқонлар ва капитарларни тутиб олган болалар номидан хат ёзучи ўқитучи Маҳмуд...

Зал бирлаҳза жим қолди, кейин кучли, ҳаяжонли қарсак кўтарилди. Қарсак юракдан чиқсан оташин нутқлар блан алмашди. Назира ҳам тоқат қилолмади. У кичкина, лекин қаттиқ муштини сиқиб, ботир курашчиларни қувғин остига олаётганларга ўлим тилади...

Ниҳоят, мажлис шундай қарорга келди: капитар эртага, митинг вақтида бошқа капитарларга қўшиб учрилади. Уни Карим учиради.

Мажлисдан кейин кўп пионерлар Каримларнига кетишиди. Ҳамманинг тилида хат, узоқ Покистондаги оддий деҳқонлар ва капитар эди...

Бирнечча соатгача Каримларнинг уйи яна болаларнинг шовқинига тўлди. Ҳамманинг ҳам машхур капитарни ушлаб кўргиси, унга ўз қўли блан дон ва сув бергиси келарди. Кечаси алланечук вақтгача Каримнинг уйқуси келмади. Унинг хаёли узоқ Покистонда эди. „Нега уерда шундай? Нега тинчликни истаган одамларни қувғин остига оладилар?“ Бу савол Каримнинг уйқусини қочирган эди.

Ана, нариги уйдан радионинг ашуласи эшитилаяпти. Тинчлик ҳақидаги ашула. Кўчаларда юзларча плакатлар осилган. Уларнинг ҳаммасида содда ва улуғ „Яшасин тинчлик!“ шиори порлайди. Бу сўз бизда энг севимли сўз. У ерда эса бу сўз учун... балки отадилар! „Нега шундай?“ — яна ўйларди Карим. Унинг ўйчан кўзлари стол олдидаги катта суратга тушди. Қизил майдон. Кремльнинг ёқут юлдузлари. Яқинроқда

Ленин — Сталиннинг Мавзолейи. Мингларча одамлар байроқ күтариб ўтиб бормоқдалар.

Каримнинг юраги бирдан чуқур қувончга тўлди. У узоқ Покистондаги деҳқон болаларига яхши, дўстона сўзлар айтгиси келди. У ўрнидан сакраб туриб, қўлига қалам олди.

„Ҳурматли ўртоқ Маҳмуд!

Биздан, Совет пионерларидан, қишлоғингиздаги деҳқон болаларига оташин салом! — деб бошлади Карим. Шундан кейин юракдан чиққан энг самимий сўзлар миясигта ўз-ўзидан қўйилиб келаверди. Хатни ёзиб бўлгандан кейин Каримнинг кўнгли ўрнига тушиб, тинч уйқуга кетди...

* * *

Биринчи Май! Баҳор байрами Биринчи Май! Булутсиз осмон худди тоза артилган шишадек мусаффо, тиинқ. Илиқ ҳаво гуллар, кўкатлар ҳидига тўла. Ёқимили шабада қизил байроқларни ҳилпиратиб ўйнайди...

Байрам муносабати блан ясаниб олган шаҳарча бугун қувончга тўлиб уйғонди. Одамлар шаҳарнинг ўртасидаги катта майдонга эрталабдан оқабошлади.

Район маркази атрофидаги пахтакор колхозлардан лола тақиб, даста-даста гуллар кўтариб колхозчилар келишди, боғонлар, галлакорлар, пахтакорлар келишди.

Ишчилар, хизматчилар тўпланди. Кейин бирдан ҳавода ўнларча барабанларнинг шўх овози эшитилди, қувноқ қўшиқлар янгради. Бу пионерлар эди.

Пионерлар келгач, майдондаги севинч яна ҳам авж олди, ашула, ўйин бошланди.

Каримларнинг мактаб колоннаси минбарнинг қаршисида тўхтади. Уларнинг ўнг томонида Калинин номли рус мактабининг ўқучилари, чап томонида ишчилар турардилар.

Соат 9.

Минбарга Олий Совет депутати — машҳур пахтакор

блан райком секретари, райисполком раиси, колхозчи-
лар, ишчилар чиқди.

Депутат капитар ушлаган пионерларга қараб құлни
силкиди, сүнгра ёnidаги йигитта алланарса деди. Бир
минут ҳам үтмасдан микрофонда „Каптар учирадиган
пионерлар минбарга чиқсан!“— деб з'лон қилинди.

Минбар пионерлар блан лим-лим тұлди. Каримни ол-
динга үтказдилар. Үнинг юраги яна ҳам тезроқ ура-
бошлади. У депутатнинг ёнига келиб қолган әди.

— Қани, учирамизми, үглим? — Каримнинг күзлари-
га қараб сұрады депутат.

— Учирамиз!

Карим капитарға сүнг марта қарады.

— Үртоқ Маҳмудға салом айт! — У сүнгги марта капитар-
нинг илиқ патларини лабига босиб үпди-ю, уни секин
қүйиб юборди. Каптар қанотини ёэди, бироз юқори кү-
тирилиб ҳавода лұмбалоқ ошиб үйнади-да, бошқа кап-
тарларға құшилиб кетди.

Ҳамманинг күзи осмонда. Майдон устида юзларча
каптарлар айланиб учарди. Каримнинг капитари майдонни
бір айланиб чиқди, сүнгра Каримнинг юрагини қувонч-
га тұлдириб, бокқа қараб бурилди.

„Кузгача шу ерда бұлади. Үзим асрайман. Кейин...
Маҳмуд аканинг юртига кетади, албатта үша ёққа
кетади!“ — деб үйларди Карим.

Пионерлар пастға тушабошладилар. Карим осмонга
тикилғанича қарсак чалиб кулиб турған депутатта яна
бір марта қаради-ю, пастға қараб чопди.

Пастда, майдонда бұлса, ҳамон үша содда ва дил-
ларға яқын шиор янграмоқда әди:

— Яшасин тинчлик!





ГОГОЛЬ ТИРИК

(Н. В. Гоголь вафотига 100 йил тўлиши муносабати блан)

Рус адабиёти тўгарагининг навбатдаги машғулоти тугади. Бир тўп ёшлар орасида залдан кулиб чиқиб келган Манзура ўртоқларидан ажралиб кутубхонага бурилган эди, Наталья Федоровна чақириб қолди:

— Кутубхонага кетаяпсанми, Манзура!

— Ҳа,— деди Манзура тўхтаб.

Наталья Федоровна— қирқ ёшлар чамасидаги, соchlарига оқ оралаган аёл— тез юриб келиб, Манзурани қўлтиқлаб олди, кейин тўхтаб унга бошдан-оёқ разм солди.

— Войбўй, катта қиз бўлиб қолибсан-ку, Манзура? Бўйинг мен блан бараварлашиб қолипти!— кулиб деди у.

— Худди анчадан бери кўрмай юргандек гапирасиз-а, Наталья Федоровна?— деди Манзура.

— Рост, пайқамай юрган эканман, Манзура!— деди ўқитучи ва уни кутубхонага бошларкан сўради.— „Улик жонлар“ асарини ўқиганмисан?

— Ўзбек тилида парчалар ўқиганман,— деди Манзура.— Броқ русчасини ҳам ўқимоқчи әдим. Чунки.. Толстойнинг бир романини ўзбек тилида ўқигандим. Кейин русчасини ўқиб кўрсам...— Манзура негадир қизарди, кулди,— мутлақо бошқача кўринди, я'ни асл нусхаси шунчалик чиройли ва яхшики, ҳайрон қоласан киши!.

Наталья Федоровна оқ аралаш юмшоқ соchlарини силаб кулимсиради.

— Шундайлигини қачонлар айтмаганмидим?— деди у ва бирпас ўйланиб давом өтди.— Кружокнинг навбатдаги машғулотини Гогольнинг ижодига бағишлаймиз. Мен докладни сенга топширмоқчиман, шунинг учун „Улик жонлар“ни ҳам асл нусхасида ўқиб чиқсанг яхши бўлади...

— Наталья Федоровна!..

— Йўқ, йўқ, қўрқмаёқ қўй,— деди ўқитучи,— ўзим ёрдам бераман. Ҳозирча асарларини ўқиб тайёрланиб боравер, тема танла. Ҳоҳласанг бирор асари ҳақида доклад қиласан, ҳоҳласанг умуман ижоди ҳақида.

Манзура кўзларини Наталья Федоровнанинг ажин тушган, лекин ҳали мулоийим юзидан четга олиб, ўйланниб қолди. Унинг ёдида бор: бундан икки йил олдин мактабга келган шу аёл рус адабиёти кружогининг биринчи машғулотида Манзурага А. С. Пушкиннинг „Эртаклар“ номли китобчасини берган әди. Манзура А. С. Пушкиннинг ёртакларини ўзбек тилида кичкиналигига ёқ үқиган. Лекин Наталья Федоровна берган китобча унинг юрагида бурунгидан ҳам кучли таассурот қолдирди, Манзуранинг дилида ширин орзулар ўйғотди. Унинг тасаввуррида гўзал манзаралар: қоронғи ўрмонлар, тўлқинланиб турган кўмкўк денгизлар, сирли қал’алар жуда жонли бўлиб гавдаланган әди ўшанда...

Шундан бери икки йил ўтди. Манзура энди рус тилини яхшигина ўрганиб олди, унинг бутун гўзалигини ҳис әтадиган бўлди, чунки у рус адабиётини, айниқса рус классикларининг асарларини севиб ўқийди.

Манзура бунинг ҳаммаси учун шу кекса аёлдан мияннатдор эди...

— Хўп, Наталья Федоровна,— деди Манзура.

Хайрлашар экан, Наталья Федоровна ўзича: „Ажойиб китоб!“ деб қўйди.

Манзура ўз устига қанчалик ма'суллиятли мажбурият олганини ва'да бериб қўйгандан кейин тушунди. Кутубхонадан „Улик жонлар“ни олиб, уйига кетаркан, йўл-йўлакай.

„Удда қилаоламанми? Борди-ю, докладим зерикарли чиқиб қолса-чи?“— деб тараддулданар эди.

Уйда Нури холадан бошқа ҳечким йўқ эди. Физика блан химия ўқитучиси бўлган дадаси мактабга кетган, укаси эса ҳали мактабдан келмаган эди.

Манзуранинг мактабдан келасолиб яна китоб ўқишга киришаётганини кўрган Нури хола:

— Ҳой, қизим, бироз дам олмайсанми? Даданг нима деган эди?— деди койиб.

— Буни ўқишининг ўзи дам олиш бўлади, ойижон,— кулиб дели Манзура.

У дераза ёнига ўтириб, чироили муқавали қалин китобни очди. Броқ ўқийбошлашдан олдин шу китобнинг ўзбекчасини ўқиганида олган таассуротларини ёслади... Анча нарсалар унутилган. Лекин бир нарса ҳамон ёдида: кўпчилик қаҳрамонлар унинг дилида қандайдир жирканч ва нафрат туйғусини уйғотган эди, айниқса Плюшкин блан Собакевич... Сўнгра китоб уни жуда кўп кулдирган эди.

Манзура романнинг ба'зи жойларини ёслаб кулимсиради, кейин ўқишга киришди: „Таниш NN шаҳри, таниш арава, чироили бўлмаган, лекин хувук ҳам эмас, таниш жаноб Чичиков...“

Китоб биринчи сатрларданоқ Манзуранинг диққатини ёгаллаб олди. Буюк ёзучининг қалами чизган манзаралар ва образлар шунчалик ҳаққоний ва жонли элики, Манзура ҳаммасини ўз кўзи блан кўриб тургандек бўлди.

Рўпарада кийим тикиб ўтирган Нури хола тўсатдан Манзурага қўзи тушиб қолиб, сўради:

— Нимага куляйпсан, қизим?

— Шундай... ўзим...

— Кўп унақа ақлидан адашган одамдек ўзингдан- ўзинг кулаверма!— деди Нури хола ёқтиирмасдан.

Бироздан кейин у яна қизига қаради. Бу сафар Манзура кулмас әди. Нури хола қизининг кўзларига чўккан чуқур ўйчанликни кўриб таажжубланди:

— Ўқиётганинг қанақа китоб, қизим? Бир куласан, бир қовоғингни соловласан?

Манзура китобдан кўзини узиб, онасига тикилди, кейин тўсатдан илжайди...

— Бу шундай китобки, ойи, ўқисангиз бир кулгин- гиз келади, бир...— у сўз қидириб қошларини чимирди,— бир йиғлагингиз келади!— Ниҳоят деди Манзура.

— Ўқи-чи, қизим, мен ҳам өшитай.

— Русча, тушунмайсизда,— афсусланиб деди Манзура,— бўлмаса, ўқиб берардим. Бу китобни буюк рус ёзу- чиши Гоголь ёзган. У ўша замондаги бойларни тасвиirlаб берган... Биласизми, ойи, улар шундай очкўз, хасис, шундай... ифлос одамларки, жирканиб кетади киши!..

Манзура китобни четга суриб, ўзи ҳам сезмасдан сўзлаб кетди...

Нури хола, қизининг нега ҳаяжонланаётганига ту- шунмасдан, кулимсираб ўтиради. Брок, ҳикоя Плюш- кинга етган ҳамона ишини четга сурди, томирлари бўртиб чиқсан ориқ қўлини тиззасига кўйганича, қизи- нинг юзига ҳайрон бўлиб тикилиб қолди.

— Вой үлай, худди Сассиқ бойнинг ўзгинаси-я!— деди у,— Плюшкин дедингми? Худди Сассиқ бойнинг ўзи экан.

— У ким, ойи?

— Сассиқ бой-да!— деди Нури хола.— Бурунги за- монда қишлоғимизнинг энг катта бойи ўша әди, қизим. Ўзининг асл исми Нормат бой әди-ю, хасислиги учун

ҳамма уни Сассиқ бой дерди. Ҳозирги мактабнинг ўрнида саройдек ҳовлиси бўларди. Омборларида мева-чевалари қоп-қоп бўлиб чириб ётарди. Броқ умочдан бошқани ичмас, арпа иондан бошқани емас эди. Ҳизматчиларнику, сўрамаёқ қўй! Айтаяпман-ку, худди ҳалиги... Исли нима дединг?

— Плюшкин.

— Ўшанинг ўзгинаси эди!— деди Нури хола ва Манзуранинг юзига ўйчан тикилиб қўшимча қилди:— Сўрамаёқ қўй, қизим, уни ёсламай. Сассиқ бой ҳам ўлсин, замонаси ҳам!..

Эшикни қаттиқ очиб уйга Темир кирди. Папкасими столга ташлади-да, совуқдан қизариб кетган юзини артаркан:

— Сиз мени нега кечикдинг, деб уришмоқчисиз-а, ойи?— деди ўзига тегар гапнинг олдини олиб.— Уриш масангиз ҳам бўлади, нега десангиз, бугун колектив бўлиб китоб ўқидик!

— Яна қанақа китоб?— деди Нури хола ишонгиси келмасдан.

— „Тарас Бульба“ни ўқидик!— баланд овозда деди Темир ва ғурурланиб Манзурага қараб қўйди.

Темирнинг сўзига негадир севиниб кетган Манзура:

— Уни ҳам ҳалиги ёзучи ёзган, ойи, Гоголь ёзган!— деди.

— Тўхтанг опа, ўзим ятаман!— шошиб деди Темир.— Биласизми, ойи, Тарас Бульба шундай кучли одам бўлганки, йигирма поляк бўйнига арқон ташлаганда ҳам зўр келиб, ҳаммасини йиқитиб кетган!. У ўғли Андрейни ўз қўли блан отиб ташлаган-а?! Нега дейсизми? Чунки Андрей битта поляк қизни севиб қолиб, ўшаникига кетиб қолган!

— Чунки...— деди Манзура,— Андрей ўз ватанини душманга сотган хоин эди!..

— Биласиз!— Темир унга ҳўмрайиб қаради, кейин Нури холанинг рўпарасига ўтириб олиб астойдил ҳикоя

қилябошлади. Манзура китобини олиб, дадасининг ҳонасига ўтди.

Бу ерда ҳечким халақит бермас—жимжит вали.

Манзура юмшоқ креслога ўтириб олиб, уқишига киришган ҳам вики, Нури холанинг сўзлари ёдига тушди: „Сассиқ бой — Плюшкин!“ Тусатдан Манзуранинг хаёлига яхши бир фикр келди: Агар.. дадасидан Сассиқ бой тўғрисида кружокда гапириб беришни сураса-чи, ҳархолда дадаси Сассиқ бой тўғрисида кўп нарса билса керак!

Бу фикр Манзурага шунчалик ёқиб тушдик, у сабрсизлик блан деразадан дадасининг йўлига кўз ташлади...

Маҳмуд ака мактабдан кечроқ қайтди. У қизининг ҳалигача ухламаганини өшлишиб хонага кирганида Манзура „Ўлик жонлар“нинг биринчи қисмини ўқиб тамомламоқда вди.

Маҳмуд ака өшикда тўхтаб, йўталиб олди. Манзура сесканиб китобдан бошини кўтарди, қовоғини солиб турган дадасини кўриб, ўринидан турди.

— Бу қанақаси, қизим? — деди Маҳмуд ака. — Соат ўнбирдан ошган-у, сен ҳалигача ўтирибсан? Ёки 9-нчи синф ўқучиси тартибга бўйсунмайдими?..

— Дадажон! — Манзура югуриб келиб Маҳмуд аканинг совуқ кафтини ушлади, — мен врта-индин Николай Васильевич Гоголь тўғрисида доклад қилишим керак... Броқ масала унда ҳам эмас, я'ни...

— Ҳмм... хўш?

— Масала шундаки, — деди Манзура ва бирдан дадасининг қўлидан тортиб, стол томон бошлади, — буни қаранг, дада! Қандай ёзилган! — Манзура китобни қўлъга олиб, ҳаяжон блан ўқиди:

„Русь, куда же несешься ты? Дай ответ. Не даёт ответа. Чудным звоном заливается колокольчик; летит мимо всё, что ни есть на земле, и косясь постораниваются и дают ей дорогу другие народы и государства...“

Манзура қувонч тула кўзларини дадасига тикди:

— Қандай яхши ёзилган-а?

Маҳмуд ака бошини секин чайқаб илжайди.

— Ёзилишидан олдин фикрни айт, қизим, фикрни!— деди у.— Бу фикрни Гоголь юз йил олдин айтган-а? Юз йил олдин Россиянинг келажаги түғрисида у шундай деган!

Маҳмуд ака кўзларини китобга тикканча ўйланиб қолди.

— Дада,— деди Манзура ҳалиги фикрини эслаб,— сиз Сассиқ бой дегани биласизми?

— Сассиқ бой, дейсанми? Биламан!— Маҳмуд ака-нинг пешонасидаги ажинлар кўпайгандай бўлди.— Мен унинг молини ҳам боққанман, қизим!

Манзура дадасининг кўзларига чўккан ғамгин ифодани кўриб, бироз индамай турди, кейин секин деди:

— Ундей бўлса, адабиёт кружогида у түғрисида ҳикоя қилиб беринг, дадажон!

— Бу ўзингнинг фикрингми, қизим?

— Ҳа,— севиниб деди Манзура.— Нега десангиз... У Плюшкиннинг ўзгинаси экан. Я'ни... Сизнинг ҳикоянгиз Плюшкин образининг қанчалик ҳаққоний эканлигини тасдиқлайди. Тушунаяпсизми, дадажон?

Маҳмуд ака қизининг бошини силаб кулди.

— Тушунаяпман, қизим,— деди у,— хўп, ҳикоя қилиб берай...

Манзура суюнганидан терисига сифмагундай бўлиб, хонадан югуриб чиқиб кетди.

Нури хола овқат иситмоқда, Темир ухлаган. Манзура пальтосини кийиб ҳовлига чиқди.

Кечакоронги, осмонни тўлдирган юлдузлар бугун негадир ҳар кундагидан зичроқ, йирикроқ кўринади. Атроф жимжит.

Манзура эшикдан чиқсан ерида тўхтади. Уйнинг олди борғ. Борнинг нар'ёғи сойлик. Сойликнинг устида, баландликда электр лампочкаларининг нурига чўмилган катта қишлоқ. Узоқ уфқда эса, шаҳар уйларининг лампочкалари порлавди...

Манзура худди бунинг ҳаммасини биринчи марта кўраётгандек, кўзларини катта очиб, қишлоққа тикилиб қолди. Тўсатдан ойисининг ҳалиги сўзлари ёдига тушди:

„Ҳозирги мактабнинг ўрнида Сассиқ бойнинг саройдек ҳоялиси бўлар эди...“— эслади Манзура.— Мактаб... мактаб ҳани?

Тунда мактабни бошқа бинолардан ажратиш қийин әди. Броқ Манзура уни кўзлари блан излаб топди. Мактаб ва яқинда қурилган амбулаториянинг деразаларидан қуюлган ёруғлик бошқа биноларнидан ажралиб турарди...

Манзура биринчи марта ўз қишлоғининг чиройли эканини ҳис этди.

„Нега мен буни олдин сезмаган эдим? Нима учун?“— деди Манзура самими таажжубланиб. Лекин жавоб ўрнига яна „Ўлик жонлар“ китоби блан Нури холанинг Сассиқ бой ҳақида айтган сўзларини эслади...

„Ҳа-а. Гап бу ёқда экан-ку!— деди Манзура.— Бугунги куннинг қимматини тушуниш учун ўтмишни яхши билиш керак!..“

Манзура қоронгиликда кулимсиради ва шу заҳотиёқ Наталья Федоровна топширган доклад учун ажойиб тема топилганини сезди. Ҳарҳолда унинг доклади шу қишлоқнинг ўтмиши ҳақида, Сассиқ бойлар блан Плюшкинлар ҳақида, ҳозирги ютуқлари ҳақида бўлиши керак!..

Бирордан кейин Манзура совқотганини сезиб уйга кирапкан:— „Бир китоб шунча нарсани ўргатди. Шунинг учун буюк ёзучиларнинг асаллари ўлмайди дер эканлар-да!“— деган фикрни кўнглидан ўтказди.

1952 йил.





ИРОДА

Физкультура дарсida бўлган югуриш вақтида Олиминг боши айланиб, йиқилиб тушишига оз қолди. Оёқлари титраб, дармони қуриди. Нафас олиши ҳам тезлашиб, ҳаллослаб қолди. Ўқитучи дарсдан кейин уви докторга юборди.

Кўзойнак тақсан кекса доктор ўқитучининг хатини ўқиб кўргач, Олимни ечинтириб кўрабошлади. Кўкрагнга фонендаскоп қўйиб юрак уришини, нафас олишини ашитди. Ҳамаёғини ўбдан кўриб бўлгандан кейин кўзойнаги тагидан Олимга тикилиб қаради.

— Физкультура блан шуғулланасизми? — тўсатдан сўради у.

— Йўқ.

— Кўриниб турипти! Кўриниб турипти! — баландроқ сўзда гапирди доктор. — Ўпкангиз тоза, юрагингиз ҳам дуруст. Броқ, ... — у кучли қўллари блан Олимнинг тирсагидан юқорисини ушлади, — мускулингиз йўқ. Ҳа,

ҳа, мускулингиз йўқ, йигитча. Ёшсиз-у, жисмоний жи-
ҳатдан... мазангиз йўқ! Бу ярамайди. Физкультура блан
шуфулланиш керак!. Мунтазам шуфулланиш керак, сра-
канд қилманг...

Доктор стол ёнига ўтирди. Хат ёзди-да, икки бу-
лаб Олимга узатди.

— Ўқитучивизга беринг. Бундан кейин унинг айт-
ганларини тўла бажаринг! Тушундингизми, йигитча?

— Тушундим.

Кекса врачнинг сўзларидан қизариб, терлаб кетган
Олим кийимларини тез кийди-ю, ташқарига отилди.
„Энди ўртоқларим мендан кулишади...“ деб ўйларди у
ўзича.

Каримов хатни ўқиб кўриб:

— Отряд вожатийларингиз Фарида Назаровами? — деб
сўради.

— Ҳа.

— Сизга рухсат.

— Ўша куни кечаси Олим анчагача ухлайолмади.
Физкультура дарси, кекса врачнинг сўзлари, Каримов-
нинг худди хафа бўлгандек ҳечнарса демагани — ҳам-
маси хаёлидан бир-бир ўтди. Синфдошлари ҳаркуни
дарс бошланишидан олдин эрталабки физзарядкани
қандай ўтказгандари, бугун радиода зарядкани ким
ўргатгани, қандай музика чалингани ҳақида суҳбатла-
шар әдилар. Шунда Олим ўртоқларининг суҳбатларига
аралашаолмай, бирон баҳона топиб, синфдан чиқиб
кетар эди. Ҳозир худди ўша суҳбатлар эсига тушиб,
синфдошларидан ажralиб қолганини сезди. „Эртага
эрталаб мен ҳам албатта физзарядка қиласман...“ деб
ўйлади Олим ва шу фикрда ўйқуга кетди.

Эрталаб, Олим радио блан бирга уйғонди. Бироздан
кейин эрталабки физзарядканинг бошланиши ө'лон қи-
линди.

Ана, дикторнинг командаси ҳам эшитилди, музика
ҳам бошланди. Олим эса ҳамон ўрнида ётарди.

Хаво салқин. Дарахт япроқларини секин шитирлатыб шабада әсмоқда. Түшак бұлса шундай юмшоқ, шундай илиқки, кишининг ҳеч тургиси келмайди! Шу вақт Олим кеңқүрун уклаш олдида „Албатта тураман!“ деб ахд қилганини әслади, ўрнидан сакраб турмоқчи бўлди-ю, лекин эринди... Яхшиси.. вртадан бошлаб қўяқоламан, албатта бошлайман, деди ва боини кўрпага буркаб олди.

Тўсатдан ташқаридан кулги әшитилди.

— Олим, тур! Войбўй, шу вақтгача ётибсанми?

Кимдир кўрпани тортиб юборди... Кровать ёнида синфдоши Мели кулиб турарди.

— Обломовга ўхшаб ётаверасанми, тур! — деди у.

— Турин нима қиласман?

— Физзарядка қиласми, тур дарров,— деди Мели жиддий,— кеча кетиб қолибсан. Отряд советининг йиғилиши бўлди. Совет сени физкультурага ўргатишни менга топшириди. Бугундан бошлаб менга бўйсунасан. Тушундингми?

— Сенга-я? — деди Олим бармоғи блан кўзларини уқалаб.

— Ҳа, менга.

Олим ўрнидан тураркан Мелига тикилиб, кўнглидан „Жуда жиддий бўлиб қолипти-ку!“ — деган фикрни ўтказди.

— Эрталабки гимнастикадан бошлаймиз... Қулоқ сол! Менга қараб бажарасан: қўлингни орқангга тутиб еркин тур... дикқат!..

Ростини айтганда, Мели ҳаддидан ошиб кетди. Олим тўртинчи машқни бажаришда жиндек ноқулай өгилган әди, у жеркиб берди:

— Тўғри өгилинг, ўртоқ Мұҳсимов!

— „Ўртоқ“ демаса нима қиласди я! — ўйлади Олим хафа бўлиб.

Зарядка тамом бўлиши блан Мели:

— Энді югуралып. Сен бугун юз қадамга югурасан, мен икки юз қадамга,— деди.— Броқ-чи, Олим, мен ўз мэрримга бориб келгүнимча тұхтаб турмагин, құлларингни ҳаракат қылдириб, юриб турғын, хұпми?

— Хұп.

Улар боққа чиқишиді.

Эндигина күтарилған қуёшнинг шұх шу'ласи дарахттарнинг учларыда йилтирайбошлады. Ҳаво бироз салқын, боғдаги барра үтлар ҳұл.

Улар шудринг тушган майин үтларни босиб чопиб кетдилар. Мели Олимдан үзиб кетмади. У юз метргача Олим блан ёнма-ён борди. Олим белгиланған жойға етиб тұхташи блан үзи қадамини теzelатди... Шамол уннинг юмшоқ сочларини хилпиратиб үйнарды. У худди қүшга үхшаб учиб борарди. Мелининг югуршиға Олимнинг жуда ҳаваси келди. У үртогига бироз тикилиб турғач: „Қандай чаққон-а?”— деб құйды үзіча.

— Энди ювинсанг бұлади,— деди Мели қайтиб келгач,— бугундан бошлаб ҳаркуни шундай қиласыз.

— Мен үзім ҳам...

— Иүқ-йүқ! Үзинг қилмайсан. Биз сени биламыз.

— Майли,— деди Олим, хафа бұлғанини билдирмасдан.

Мели буннинг ҳаммасини Фаридага айтған әди, у бироз үйлаб туриб:

— Биласанми нима, әртага бўладиган сборни спортга бағишлаймыз. Турли үйинлар үтказамыз. Қани, айтчи, Олимни қизиқтириш учун нимадан бошласак бўлади?— деди.

— Уни ҳамидан олдин қаддини тұғри тутиб юришга үргатиш керак!— деди Мели.— Буннинг учун тупроқ солинган халтачани бошга қўйиб юриш бор-ку? Үшандан фойдаланамыз.

— Майли, лекин үйинни яхши уюштириш керак. Энг муҳими, Олимни спортта қизиқтираолиши керак, тушундингми?

— Тушундим.

Үйин мактаб боғида ўтди. Болалар Мели айтган ўйиндан бошладилар: узунлиги ўттиз қадам, кенглиги 15 сантиметр келадиган йўл чиздилар. Йўлга ҳар турли тўсиқлар қўйдилар. Ўйин қийин эди, айниқса бошидаги халтачани тушуриб юбормасдан ва чизиқдан чиқмасдан йўлга тўкилган тошларни териб олиб кетиш қийин эди. Олим шуни бажаришда қийналди. У ҳарқацча ҳаракат қилмасин, бошидаги халтачани тушуриб юборарди. Броқ шунга қарамасдан Олим ўйинга қандай қизиқиб кетганини сезмай қолди.

Орадан бир ҳафта ўтди. Олим бўлса, өрталабки физзарядкани ҳали ҳам Мелисиз ўтказмас эди. Мели келмаса ўрнидан туриши қийин бўларди. Ҳафтанинг охирида Мели нима учундир беш минут кечиккан эди, Олим ухлаб қолди... Мелининг аччиғи чиқди.

— Сенда-чи, Олим, ирова йўқ экан! Мана шунча ҳам йўқ экан!— деди у тирноғининг учини кўрсатиб.— Дангаса экансан!

— Мен-а?— деди Олим бирдан аччиғи чиқиб.— Сен ҳали мени билмас экансан!

— Сени-я?!

— Кулма, билдингми? Юр, физзарядкани бошлай-мис!

— Ўхў!— деб қўйди Мели мийигида кулиб.

У шу гапни кейин вожатийга айтган эди, у ҳам кулиб қўйди.

— Үндай бўлса меҳнатимиз бекор кетмапти. Давом ётдириш керак.

Шу воқиадан кейин Олим спортга астойдил киришиди, лекин энг яхшиси шу бўлдики, у спортнинг фойдасини кўп ўтмасданоқ пайқаб қолди.

Ўтган ярим ойдаёқ унинг мускуллари анча пишиди, юзига қизил югурди. У илгари дарс тайёрларкан (Олим китобни севар, умуман, яхши ўқучилардан ҳисобланар эди), дарров уйқуси келарди, кўпинча китобга

бошини қўйиб ухлаб қоларди. Спорг блан шуғуллана-
бошлагандан кейин унинг бу одати ҳам йўқолди.

Буни ўзи ҳам сезди. Энди у эрталабки физзарядкага
шундай ўргандики, зарядка қилмаса, бирон нарсасини
йўқотгандай ғалати бўлиб юради. Ҳар куни совуқ сув-
га ювинадиган, ҳўл сочиқ блан танасини артиб тура-
диган бўлди.

Мели буни кўриб жуда севинар эди. Нега ҳам се-
винмасин? Ахир бу муваффақият Мелининг ҳам мувафф-
фақияти-ку? У ҳар куни кечқурун маҳалладаги бола-
ларни тўплаб қизиқ-қизиқ ўйинлар уюштирас эди.
Шунда Олимнинг ўзиёқ чидаб туролмасдан ўйинга
қўшилиб кетарди.

... Октябрь ойининг биринчи кунларида отряд пио-
нерлари шаҳарча яқинидаги катқа тўғонга экскурсия
қилдилар. Тўғонга бориш учун тоққа қараб юриш
керак, йўл қирлар устидан ўтар, яқин бўлса ҳам оғир
эди. Аммо Олим бошқалардан кейинда қолмади.

Болалар тушгача тўғон атрофидаги бўлишди. Қармоқ
солиб балиқ овлашди. Ёш табиатшунослар тўғараги
учун қисқичбақалар, сув ўсимликлари ва бошқа нарса-
лар тўплашди. Тушдан кейин бир соатча дам олгач,
ниҳоят йўлга чиқишиди.

Олим қайтишда ҳам кўп чарчамади. У Мели ва
Икромлар блан олдинда борар, негадир ҳамма нарсага
севинарди. У ўзини жуда тетик ҳис қилас, шунинг
учун унга ҳамма нарса ёқарди.

Сўнгги қир. Пастда, водида шаҳарча кўринди. Ша-
ҳарча атрофидаги боғлар худди ранг-баранг буёқларга
бўялгандек эди: қатор оппоқ уйлар қизил, сариқ, пуш-
тиранг япроқларга ўралган дараҳтлар орасида янада
оқроқ ва чиройлироқ кўринади. Узоқдан — шаҳарнинг
нариги чеккасидаги Завод трубасидан бўлса керак —
қуюқ тутун кўтарилади ва шамолсиз ҳавода секин чў-
зилиб узунчоқ қорамтир булут ҳосил қиласди.

Шаҳарга кирганда Фарида Олимни чақириб қолди.

— Чарчамадингми, Олим?

— Ҳеч.

— Жуда соз! — деди Фарида, — эшитишмича, югуришда Мелини қолдирибсан-а, ростми?

— Иўқ-э! — Олим қизарабошлади. — Уни қолдириб бўладими? У ҳушдек учади!

— Эз... Сени қара-ю! Мен сени чиндан ҳам спортни севиб қолипти деб ўйлабман.

— Ҳали ҳам севаман.

— Севган одам бирордан ўзолмайман деб гапирадими? Ҳечда! Ўзаман дейди. Ўзади ҳам! Бунинг учун ирода керак... Менингча, сенда шундай ирода бор бўлса керак, ё йўқми?

— Бор, албатта, — деди Олим яна қизариб.

— Бор бўлса ўзингни тарбиялагин. Ёдинга бўлсин, спорт болан узлуксиз шуғулланган одамларгина яхши спортчи бўлиб чиқадилар. Лекин спорт болан бир куни шуғулланиб, иккинчи куни ялқовлик қилиб ташлаб қўйган одамлардан спортчи чиқмайди... Ўзлари нимжон, бекувват бўлади, ўзинг ҳам сезгандирсан?

Олим „ҳа“ дегандай бошини силкитди.

— Ана, кўрдингми? — вожатий Олимнинг қўлидан ушлади ва гўё айтмоқчи бўлганини бошқалардан яширгандай овозини пасайтириб давом этди: — Сенчи, Олим, Мелидан ўзаоласан. Фақат спорт болан янада яхшироқ шуғулланиш керак. Тағин бир-икки ой жиддий шуғуллангин, кейин кўрасан, „Фарида опа, рост айтган экан-сиз“, дейсан, хўлми?

... Булатли, лекин илиқ бир куни әди. Мактаб боғида кулги жаранглар, нима тўғрисидадир қизғин баҳслашаётган овозлар эштилади...

Боққа киришда стол турагди, у ерда физкультура ўқитучиси, бош вожатий ва яна бир-икки одам ўтиради.

Стол орқасида турган болаларнинг гаплари айниқса қизғин әди.

— Мелига етиб бўпти!
— Етади! Олимни чакана деб ўйлама!

— Тўғри! У ҳар куни спорт блан шуғулланади!
Бу ерда беш юз метр масофага чопиш мусобақаси борарди. Ҳамманинг кўзи боғнинг ичкарисига қараб кетган катта йўлда.

— Ана, қара: Мели олдинда келаяпти! — кимдир севинганидан қичқириб юборди. Узоқда боғнинг ичкарисида Мели кўринди. Шу заҳотиёқ унинг орқасидан яна икки бола кўринди — Олим! Карим!..

Мели жуда тез келарди. У шу келишида шамолни енгиб учайтган қалдирғочни эслатади.

Финишга эллик метр колди. Шу вақт болаларнинг бирори Мелига етабосилади:

— Олим!

Яна бир секунд... терлас қизариб кетган Олим Мели блан бараварлашди. Броқ Мели ҳам қадамини тезлатди. Улар уч-тўрт секунд қатор келдилар. Финишга йигирма қадам қолганда Олим бирдан қоматини олдинга ёгди, бор кучини тўплаб ўқдай отилди ва болаларнинг гулдирос қарсаклари остида лентани узди...

Беш минутдан кейин нафасини ростлаб олиб Мели блан гаплашиб турган Олимнинг ёнига Фарида келди. Олим унинг кулимсираган кўзларига қаради-ю, дарров эслади, унга қараб юрди.

— Айтганинг рост экан, Фарида опа,— деди у.





ДУСТЛАР

Октябрьнинг боши эди. Пахта шундай яхши очилганки, кенг пахтазор худди қалин юмшоқ қор блан қопланганга ўхшайди. Чаноқларга сифмасдан нишолда-дек кўпирриб, тошиб чиққан оппоқ момиқ пахталар ёрдамга чиққан болаларнинг ҳавасини келтирди. Этакларининг шундай тез тўлишидан севинган болалар теримга қизиқиб кетиб, вақтнинг қандай ўтганини сезмай колдилар.

Кечроқ, соат бешларга бориб, пионерлар терган пахталарини топширабошладилар.

Терилган пахта ҳисобланиб бўлгач, биринчи звено-нинг учинчи звенодан ўзганлиги, иккинчи звенодан эса беш кило оз терганлиги ма’лум бўлди... Фақат беш кило!

Лекин шу вақт Марат блан бир партада ўтирадиган Ўктам ҳайрон бўлиб атрофига қаради:

- Марат қани? Топширдими у?
- Ҳа, айтгандаи, ҳали Марат бор-ку!—Биринчи зве-

нонинг бошлиғи Карима қүёшда қорайиб кетган юзини артиб, оқ тишиларини чақнатди. Унинг звеносидаги болалар далага қараб югуришди:

— Марат, қаеңдасан, тезроқ бўл!

— Пахтангни топшир!

Улар қичқира-қичқира пахтазорни айланиб чиқдилар, таажжуб: Марат, худди сувга чўккан тошдек, изсиз йўқолган әди. Броқ шунда ҳам ҳечкимнинг ишонгиси келмади.

— Балки касал бўлиб кетиб қолгандир,— деди Собир.

— Ундаи бўлса, айтиб кетарди,— кимдир шубҳаланди. Броқ унинг сўзини ҳечким қувватламади.

— Касал бўлиб қолган!

— Тоби қочтан-у, айтольмай кетган-да!

Бу фикрни Замира ҳам қувватлади. Шу заҳотиёқ Карима блан Собир Маратларникига кетишиди.

... Улар Маратларнинг бοғидан қайтиб чиққунча Ўқтам блан Жўра кутиб туришди.

— Қандай? Нима?— сўради Жўра.

Карима индамасдан ерга қаради. У гўё, шу ишни ўзи қилгандек, қизариб кетди, секингина жавоб берди:

— Қочиб кетган әкан...

Орага бир секундча жимлик чўкли. Ўқтам бўйини олдинга чўзиб, сўради:

— Нега қочибди? Айтдими?

— Кераги йўқ, эртага гаплашамиз,— деди Карима,— хайр, ўртоқлар, мен ҳозир Замира опамнинг олдига бораман.

— Хайр!

Маратни кўргани келган Ўқтам блан Жўра ичкарига кирмасдан орқага қайтишиди.

* * *

Ҳаркун әрталаб уйдан шошилиб, севиниб чиқадиган Маратнинг кўнгли бугун ғаш әди. У уйқусидан уйғонди-ю, Каримани кўз олдига келтирди. Унинг одатдаги-

лек секин, лекин та'на блан „Марат, нега шундай қилдинг?“ деган сүзларини эслади. Собир эса:

„Эх, Марат, агар кетиб қолмаганингда биринчиликни биз олардик?“ — деган әди.

— Нега шундай қилдим-а? — афсусланиб ўйлади Марат.

У далага боргунча кетиб қоламан деб ўйламаган әди. Лекин пахта терабошлагач, ўзида қандайдир ялқовлик сезабошлади. Кейин сув ичкиси келиб, пастдаги сойликка тушди. Үердан ... қандай қилиб кетиб қолганини ўзи ҳам билмайди...

„Бекор қилибман?“ — яна ўйлади Марат.

Мактабнинг ёнгинасида Ўқтам учради. У Маратни кўрса ҳам, кўрмагандек, саломлашмасдан тескари бурилиб кетди. Залга киришди. Собир блан Жўра учради. Собир индамасдан ўтиб кетди. Жўра эса тишлари орасидан қисқа қилиб: „Қочқоқ!“ деб қўйди.

Марат синф эшигини қай ҳолда очганини ўзи ҳам сезмай қолди. Аксига, синфда Замира ҳам бор экан. У болалар блан сұғбатлашиб ўлтиради. Эшик очилган ҳамоно ҳамма Маратга қаради.

— Ана, ўзи ҳам келди,— деди кимдир.

„Гап менинг устимда экан!“ — ўйлади Марат ва ҳечкимга қарамасдан, тез юриб бориб ўз жойига ўтиреди.

Кичкинагина абжир қиз Меҳри югуриб Маратнинг ёнига келиб, баланд овоз блан сўради:

— Нега даладан қочдинг? Уялмадингми?

— Сени шундай қилади, деб ҳечким ўйламаган әди! — деди Ўқтам қизишиб.

— Биз сени касал бўлиб қолипти деб ўйловдик, кейин эшитсак... қочиб кетибсан!

Маратнинг узунчоқ юзи лоладек қизариб кетганди, ўзи эса, кўнглида афсусланиб: „Нега шундай қилдим-а?“ — деб ўйлар әди.

Тўсятдан унинг иссиқ юзини қандайдир ёқимли, салқин шамол силагандек бўлди:

— Ўртоқлар, менингча, Марат энди бундай қилмайди.
Марат бошини күттарди.

Замира синовчан күэларини унга тикиб турарди
— Шундайми, Марат?

— Шундай,— деди Марат, — шундай, албатта! — дадил
овоз блан такрорлади у худди бошқаларнинг әшиитмай
қолишидан қўрқандек.

* * *

Ташқарида звонок жиринглади. Замира опа синфдан
чиқаркан, Маратга далда бериб:

— Хафа бўлма, бугун яхши терсанг бўлгани! — деди
секин.

Марат „яхши“, деб бошини силкитди, кейин дарслар тамом бўлишини сабрсизлик блан кутабошлади.
„Ўкташ шошмай турсин ҳали!“ — деб ўйлар эди у.

Марат ноқулай аҳволдан далага кетаётганда ҳам кутилмади. Хушчақчақ болалар орасида ўзини бошқалардек ёркин туваолмади. Лекин кечқурун, терган пахтасини топшириб бўлиб уйга кетаркан, ўзини бошқача сезди. Унинг юрагидаги ҳалиги оғир ҳис йўқолган эди. У дўстларининг кўзига тик қарап, ўзини одатдагидек ёркин ҳис этарди.

Уйга яқин қолганда Замира Маратнинг қўлидан сеқингина тортди:

— Ўкташдан хафамисан дейман? — сўради у болалардан бироз орқада қолгач.

— Хафа бўлмасдан-чи? — деди Марат, — бир марта кетганимга шундай қилди. Мана бугун ундан қолмадимку..

Вожатий кулимсираб қўйди.

— Қани, айтчи, Ўкташ блан Кариманинг ўрнида бўлганингда сен нима қиласдинг?

— Менми?.. — деди Марат негадир қизиқабошлаб. У сўз тополмай қолди.

— Бўлмаса бундай қилайлик, — деди Замира, — ёртага якшанба. Биз яна ёрдамга чиқмоқчимиз... Сен яхши

ишлаб, шулардан бир ўзгин-чи, кўрайлик: Ўқтам қу-
вонармикан, қувонмасмикан?

Марат индамади. У бир нарсани ўйламоқда эди.

— Яхши. Эртага улардан ўзаман!— деди ниҳоят,
Замиранинг фикрига тушуниб севиниб кетган Марат.—
Албатта ўзаман.

* * *

Марат далага чиққанды қуёш эндигина кўтарилиган эди.

Ўнг томондаги тутзор ёнида пахта теручи машина
ишламоқда. Унинг устида икки ўрим сочини чамбарак
қилиб олган бир аёл ўлтирас ва қудратли машинани
еҷчиллик блан бошқариб борарди. Оқ этак таққан кол-
хозчилар кенг даланинг уч-тўрт жойида тўп-тўп бўлиб
пахта термоқда эдилар. Қизларнинг жарангли кулгиси
йигитларнинг кучли овозига қўшилиб янгарди.

Марат Замиран излаб атрофга аланглаб бораркан,
Кариманинг овозини эшитиб қолди:

— Марат, қаёққа кетаяпсан, буёққа кел!

Марат тўхтаб, атрофга қаради, у янгиш эшитган-
дирман, деб нари кетмоқчи эди, орқа томондаги жўяк-
дан кулги эшитилди, кейин Карима блан Ўқтам югу-
риб чиқишиди.

— Салом, Марат! Буёққа кел, нима қилиб юрибсан?—
деди Карима.

Карима устига оқ кўйлак кийган, олдига оқ этак
тутган эди. У ҳам, Ўқтам ҳам жуда хурсанд эдилар.

Марат уларнинг ёнига бориб саломлашди.

Қуёш баландроққа кўтарилиди. Пахтазорни қопла-
ган енгил, худди яхши ёнаётган гулханнинг тутуни
каби оппоқ, юпқа туман тарқади, дала нурга чўмилиб,
гўзаллашиб кетди.

Орқадан, боғлар ичидан кулги эшитилди.

— Келишашапти!— деди Карима орқасига қараб.

Бригадир Расул ака блан Замира ола келарди. Броқ
Марат уни олдин танимай қолди, Замира ола соchlарини
бошига чамбарак қилиб ўраб, оқ шойи рўмол блан

боғлаб олганди. У одатлагидан кўра новча, кучли ва чиройли бўлиб кўринарди.

Бригадир жой ажратди. Марат Карима блан Ўқтамнинг ёнидаги әгатни олди. Терим бошланди.

Кечаси пахтазорга тушган шудринг ҳали қуримаган. Ғўза баргларида марварид каби тоза, йирик томчилар товланиб ялтирайди. Чаноқлардан тошиб чиқсан оппоқ пахталар шундай бўлиқ ва юмшоқки, кишининг ҳаваси келади.

Маратнинг теришини бирпас тамоша қилиб турган Карима тўсатдан:

— Марат, мен блан мусобақа ўйнайсанми? — деб сўраб қолди.

Марат бўйи баравар келадиган бир туп ғўзанинг пастки чаноқларидаги пахтани чақон тёрмоқда эди.

— Сен бланми? — Марат бирпас тарааддулланиб турди-да, кейин қўлини кескин силкитди: — Бўпти! Ўйнайман!

Марат блан Карима биринчи өтакни баравар тўлдирдилар. Броқ Маратнинг әгатида ғўза сийракроқ өди, шунинг учун у ярим соатдан кейин Каримадан ўзабошлади. Пионерлардан хабардор бўлиб, йўл-йўлакай пахта териб юрган Замира опа унинг олдига ҳам келди. Анча жойгача Марат блан гаплашиб борди. Кейин Ўқтамнинг ёнига кетаркан, бошқалар әшиитмасин дегандек секин сўради:

— Кечқурунги гапларни унутмадингми?

— Йўқ, Замира опа... — деди Марат. — Агар Каримадан ўзолмасам!.. — ўлади у. — Ба'дани бажармаслик — уят.

Шу гапдан кейин пахтадан бошқа ҳамма нарсани унугтандай бўлди.

Пионерлар тушки овқатга колхозчилардан бир соат олдин чиқдилар. Марат ҳаммадан кейин чиқди. Шунинг учун унинг пахтаси Кариманикидан икки кило кўп чиқди. Тушдан кейин ҳам олдинроқ ишга тушаман! — ўлади Марат.

Овқатдан кейин Карима унга шахмат ўйнашни таклиф қилди. Марат „хўп“, деб ўйинга энди киришган ҳам эди, шийлоннинг орқасидан: „Балиқ!“ „Балиқ!“ — деган овозлар келди.

— Борма! — деди Карима.

Броқ шод қичқириқлар, кулган овозлар кучайиб кетди ва Марат ўзини тўхтатаолмасдан ўша томонга отилди.

Шийлоннинг нарёғидаги, четларида қалин қамиш ўсган чуқур ариқ болаларга тўлган эди, ҳамма қамиш орасига кириб, қўли блан балиқ тутмоқда. Буни кўрган Марат мусобақани ҳам унтиб, ечинмасданоқ ўзини сувга ташлади. Натижада у далага кейинроқ чиқди.

... Кундузги ҳарорат кечки салқин блан алмашди. Қуёш узоқдаги боғлар устига энгкайди. Фўза баргларини салқин шабада силаб ўтди. Чап қўлдаги сойликдан қўзиларнинг ёқимли ма'раши эшитилди. Кетишга сигнал берилди. Пионерларнинг кўпчилиги терган пахталарини топшириб ҳам бўлдилар. Ана, Карима блан Ўқтам ҳам кўринди.

Ўқтам пахтасини топшириб бўлгач худди катталар каби пешона терини сидириб ташлади, атрофдан „қанча“ деб берилётган саволга, мағрурлик блан жавоб берди:

— Ўттиз беш килограмм!

— Болалар, Ўқтам ўттиз беш кило терипти!

— Ўттиз беш кило!

— Карима, сен қанча тердинг?

— Қирқ,— деди Карима ва худди Ўқтамдан ўзгани учун уялгандай тўсатдан қизариб кетди.— Марат қани? Топширдими? — сўради у. Кариманинг овозида қандайдир безовталик эшитиларди.

— Йўқ, ҳали топширгани йўқ.

— Балки яна қочгандир... — деди кимдир кулиб.

Карима жаҳл блан унинг сўзларини кесди:

— Йўқ! У ҳали далада!..

Ўқтам блан Собир пахтазорга қараб югуришди.

Бирпасдан кейин улар қулиша-кулиша Маратнинг терган пахтасини кўтариб келдилар. Марат фақат тушдан кейинги вақтнинг ўзидаёқ икки этак пахта терган эди!

Беш минутдан кейин Замира қилинган ишининг якунини эшилтириди.

— Ўртоқлар, биринчиликни Карима Содикованинг звеноси олди. Звенодаги пионерларнинг ҳаммаси яхши ишлади. Айниқса Марат, Карима, Ўқтам. Энди пионерлар ўртасидаги мусобақада бўлса... — Замира Маратга қараб илжайди — биринчиликни Марат Нематов олди. У — қирқ уч кило пахта терди!..

Болалар қарсак чалиб юборишиди. Марат ўзини йўқотиб қўйди. У худди гуноҳкор одамдек дўстларига жовдираб қарап ва уларнинг қўлини қаттиқ сиқарди.

Пионерлар йиларига қайтабошлишиди.

Марат Ўқтам блан Кариманинг ўртасида секин борарди. У чарчаган, лекин шод; қора кўзлари ялтирас, юзида, лабида табассум ўйнарди.

— Марат, — деди Ўқтам негадир унинг кўзларига қарамасдан, — мен... ёнингдами, тунов кун сени кўрдим-у, саломлашмадим. Мен-чи, Марат, ўртамиздаги дўстликни ўзиш учун змас, фақат сендан хафа бўлганимни кўрсатиш учун саломлашмагандим... Тушундингми?

Марат Ўқтамнинг қўлини ушлаб қаттиқ сиқди.

— Тушунмасдан-чи! — деди у. — Сенинг ўрнингда бўлсан мен ҳам шундай қиласдим.





ИМТИХОН

Эркин ойиси бир-икки марта уйғотса ҳам уйқусини қизғаниб, индамасдан ётаверди-ю, тұсатдан синфдоши Раисанинг овозини әшитиб, шошиб ўрнидан турди.

— Вой, Эркин, имтиҳон вақтида ҳам шунча ухлайсанми, уялмайсанми? Менинг турганимга анча бұлды. Боққа чиқиб, яхши тушунмаган саволларимни ўқиб, тушуниб олдим, — деди Раиса. Тұсатдан у ниманидир еслади, юмалоқ, лўппи юзи қандайдир ички шодликдан ёришиб кетди.

— Гулдастани қачон түплаймыз?.. Сенинг яхши тушунмаган жойинг йўқми? Ҳаммасини биласанми?

— Фақат фе'л қолган, — деди Эркин ва қўлини бепарво силкитиб, қўшимча қилди:— барибир у менга чиқмайди!

Эркин шуни бекор айтганини сезиб қолиб, лабини қаттиқ тишлиди, нега десангиз, Раиса жуда чатоқ қиз. **У** Эркиннинг сўзига қулоқ ҳам солмасдан дарров бидирлаб кетди:

— Қандай савол чиқишини қаёқдан биласан. Үндан кейин... Үндан кейин, уялмайсанми? — деди Раиса, — Мар'ям опамнинг сўзларини унугтибсан-да? Мар'ям опам... Мар'ям опам ҳаммасини билиш керак деганимидилар?.. Йўқ-йўқ. Гулдастани мен ўзим тўплайман. Сенга ҳам тўплаб келаман. Сен унгача таъёрланиб тургин! Ҳўпми?

— Майли, — деди Эркин қовоғини солиб.

Раиса китобини Эркинга бериб, боғиниг ичкарисига атир гуллар очилиб ётган жойга қараб кетди.

„Ростдан ҳам, фе'лдан савол тушиб қолса нима қи-
ламан?“ — ўйлади Эркин. У ўрнидан туриб, тез-тез ювинди-да, чин кўнгилдан ўқимоқчи бўлиб, боққа чиқди.

Боғ уйғониб, кечаси блан сайраб чиқсан булбул әндигина тинчиган әди. Ҳозир чумчуқлар чуғурлар, ёввойи каптарлар ғур-ғур қиласар, ҳатто ба'зида узоқдан беданаларнинг „питпилдиқ — питпилдиқ“ деб сайраши ҳам эшитилиб қоларди.

Эркин гилосзор орасига кириб, уйдан олиб чиқсан гиламчасини ёэди-да, ётиб ўқимоқчи бўлди. Лекин кўзлари тоҳ қипқизил гилосларни чўқиб, ерга тўкаётган чумчуқларга тушар, тоҳ тепасидан учиб ўтаётган ёввойи каптарни кўради. Үндан ташқари, ба'зи нарсаларни тушуниш қийин әди.

— Эҳ, нега консультация вақтида диққат блан эши-
мадим! — афсусланиб ўйлади Эркин. У яхши тушуниб оламан деса, ҳаммасини ўқиб чиқолмаслигини сезиб, қоидаларини ёдлайбошлиди... Анчадан кейин Раиса иккита гулдаста кўтариб келганда Эркин буйруқ фе'-
лини ўқимоқда әди.

— Ўқиб чиқдингми? Ҳаммасини тушундингми?

Гулдастани кўрган Эркин: „фақат қўшма фе'ллар блан ҳаракат номи қолди, бошқа бирорвга чиқар“... деб ўйлади:

— Ўқиб бўлдим. Тушундим. Менга қайси бирорвии берасан, — деди у.

— Хоҳлаганингни олақол, — деди Раиса. У ҳарбири пиёладек келадиган оқ ва қизил гуллардан тўпланган катта чиройли гулдастани Эркинга чўзди.

— Югурамизми? — деди Эркин чиройли гулларни қўлига олиб ҳидлар экан. — Бўлмаса кечикамиз.

— Бўпти! — деди Раиса ва бирдан қаттиқ кулганича қушдек учиб кетди. — Етиб ол!

Улар ҳансираф, юzlари атир гулдек қизариб мактабга етиб борганиларида имтиҳон бошланишига беш минут қолган эди. Ҳаяжонланган болалар ўқитучини кутиб, эшикда турадилар.

Имтиҳон бўладиган синф гуллар блан шундай безалган эдики, Раисанинг ҳаваси келди. Гулдасталарни бир жойдан-иккинчи жойга кўчириб, синфда югуриб юрган Карима:

— Эркинжон, гулдастанг жуда чиройли экан! Буёққа берчи! — деб қичқирди.

— Келишавтни! — деди кимдир.

Болалар жой-жойларига ўтирилар. Синф бирдан жим бўлиб қолди. Юраклар „дук-дук“ урабошлиди.

Синфга Мар'ям опа блан асистент Пўлатов кирди.

Мар'ям опа оқ шойи кўйлак кийиб олган эди, унинг қора кўзлари болаларнидек шод чақнарди:

— Салом, ўртоқлар!

— Салом, Мар'ям опа! — болаларнинг овози қаттиқ ва хушчақчақ жаранглади, Пўлатов кулиб қўйди.

Мар'ям опа қўлидаги кўк конвертдан бир тўп билет чиқариб, стол устига ёэди. Кейин имтиҳон тартибини тушунтириб, ҳаяжонланмаслик; шошмаслик кераклигини айтди.

Ўқитучининг очиқ чеҳра блан, мулоим кулимсираб гапириши болаларнинг кўнглини қандайдир тинчлантириди. Юракларнинг „шувиллаши“ пасайди.

— Биринчи навбатда ҳожлаган уч киши чиқади. Қолганларни рўйхат бўйича чақираман... Қани, ҳим чиқади?

А'лочилардан Раиса блан Карима, кейин Собиржон турди. Раиса жуда яхши тайёрланган бўлса ҳам, столга яқинлашганда, юраги „дук-дук“ урабошлади. Броқ, билетни олиб саволларга кўз ташлагач: „Мунча қўрқмасам!“ деб секин кулиб қўйди; у билетдаги саволларнинг ҳаммасини яхши биларди. Шунинг учун ҳам яхши жавоб берди, лекин Мар'ям опа „баракалла“ деб „5“ қўйганда, негадир уялиб ерга қаради. Кейин севинганидан қизариб кетган юзини ўнг қўли блан тўсганича, бориб Эркиннинг ёнига ўтирди.

— Ҳеч қўрқма. Саволлар шундай ўнғай, шундай ўнғайки!...

— Ҳечким қўрқаётгани йўқ, — деди секин Эркин, лекин ростини айтганда у негадир қўрқабошлаган эди.

Мар'ям опа Эркинни чақирди.

Кўк мовут ёпилган стол. Билетлар столнинг устида қатор тизилиб ётипти. Эҳ! Қани энди Эркиннинг кўзлари шундай ўткир бўлса-ю, билетларнинг номерини шу туришда кўраолса. Ўзи яхши биладиган битта билетни шартта оларди-да, жавобини қойил қиласди!...

Эркиннинг қўзлари билетдан-билетга сакраб жовдираб қолди. Ҳув нариги четда битта билет ётибди. Шу билет яхши бўлса керак. Эркин уни олиш учун қўлини чўзди-ю, бирдан у билмаган саволлар худди шу билетга ёзилгандек, қўлини тортиб, бошқа бир билетни олди: биринчи савол яхши! Иккинчи савол...

Тўсатдан Эркиннинг юзи оқариб кетди. Иккинчи савол худди ўша Эркин ўқимаган қўшма фе'ллар ҳақида, уларнинг тузилиши ва ёзилиши ҳақида эди.

Эркин шунчалик шошиб қолдики, синфда эканини унутиб:

— Эҳ! Нега ҳалиги билетни олақолмадим? — деб юборганини сезмай қолди.

Синфда пик-пиқ кулги аштилди. Қизариб кетган Раиса ўрнидан бир туриб яна ўтирди.

— Нечанчи билет? Қайси саволни билмайсан? — безовталаниб сүради Мар'ям опа.

Кулгидан кейин дарров ўзига келган Эркин:

— Иккинчи савол... Яхши билмайман, — деди дудук-ланиб.

— Ўтириб шошмасдан ўйлаб кўргин, — деди Мар'ям опа.

Эркин жуда ҳаяжонланган эди. Балки шунинг учундир, қанча ўйламасин, иккинчи саволга жавоб тополмади... Ўзи билган саволига жавоб бериб бўлгунча ҳам терлаб кетди.

— Кўшимча саволингиз бордир, ўртоқ Пўлатов? — деди Мар'ям опа.

— Бор... — Пўлатов пешонасини салгина тириштириб бирпас ўйланди. Броқ бу вақт Эркинга жуда узоқ бўлиб кўринди. У кўзларини жовдиратиб Пўлатовга қараб қолди.

— Хўш, — деди Пўлатов, — фе'лни билмадингиз... Қани өнди... Ҳаракат номини айтиб беринг-чи, Эркин-жон?...

... Агар ўша кунгидек булатсиз мусаффо осмонда бирдан момақалдироқ гуриллаб, чақмоқ чақнаганда ҳам, Эркин бунчалик таажжубланмаган бўларди!

Синфга чуқур жимлик чўкиди. Ҳамманинг кўзи ҳайрон бўлганидан оғзи очилиб қолган Эркинда эди. Бир минут утди. Болалар безовталаниб бир-бирларига қараб қўйдилар. Кимдир афсусланиб:

— Эҳ! — деб қўйди.

Қизара бошлаган Мар'ям опа:

— Нега индамайсан? Билмасанг тўғрисини айтгинда! — деди секин.

— Мен фақат... қўшма фе'л блан ҳаракат номини ўқимаган эдим, чин сўзим... Эркин жовдираган кўзларини боқقا тикди. Мен... қўшма фе'л менга чиқмас деб ўйлагандим...

Бу сафар шўх кулки Эркиннинг сўзини босиб, синфи

жаранглатиб юборди. Фақат Мар'ям опагина кулмади. У столдаги билетга тикилганича жим ўтиради. Эркин өса, уятдан ёнган юзини тескари ўгириб, күйлагининг тугмасини ўйнаганича иядамасдан турарди. У Мар'ям опанинг тезроқ уришиб, тезроқ ўтиришга рухсат беринин истар әди. Броқ Мар'ям опа уришмади. Ўрнидан туриб Эркиннинг ёнинг келди, секин, лекин ҳамма эшигадиган қилиб сўради:

— Қандай хато қилганингга энди тушунгандирсан-а, Эркин?

Эркин чуқур нафас олди ва қуён өгилган бошини сал кўтариб аранг:

— Тушундим, — деди.





МУСТАҚИЛЛИК

Собиржон дарсдан сұнг, одатдагидек, радио тұғарғы үтказиладиган кабинетта қараб бурилди. Бугун тұғаралаштырылған машғулоти бүлмаса ҳам, Собиржон бирор үтириб, радио әшитмоқчы әди. У деярлық қар куни шундай қылар, тұғаралаштырылған машғулоти бүлмаган күнлари ҳам кабинетта кириб радио әшитар, ёки бир соат - ярим соат бошқа бир нараса блан шуғулланиб үтирады.

Собиржон кабинетта кириб приёмникни әндигина құйған әди, дераза тақилладаб қолди. У чопиб ташқарига чиқди: ұловида физика үқитучиси Жалолов блан еттисаккызы ёшлар чамасидаги бир қыз туарады.

— Бу қызчани танийсанмы, Собиржон? — деди үқитучи.

Кізча катта-катта күзларини Собиржондан узмасдан индамай туарди.

Собиржон бош чайқади:

— Ық.

— Қурбон аканинг қизи бүлади, — деди Жалолов, — Исминг нима әди, қизим?

— Кумри... Қумрихон, — деди қизча.
— Ҳозир Қумрихон блан уларникка борасан.. Қурбон ака радиоприёмник сотиб олипти, шуни гапиртириб, Қумрихонга яхши ашула айтиб берадиган қилиб келасан.. Ҳўпми, Собиржон?

Қумрихон ялт өтиб ўқитучига қаради:

— Дадам айтдилар... Сизни ўзлари келсин, дедилар.
— Кейин қиз яна Собиржонга қаради, лабини бурди.—
Бу бола тағин... бузиб қўйса-я?! — деди у.

Жалолов илжайди. Собиржон уялиб ерга қаради.

— Дадангга ўқитучининг зарур ишлари бор экан, дегин, ҳўпми? — Жалолов ўзини кулгидан тутолмади,— нега лабингни бурасан, Қумрихон? Айтдимку, бузмайди деб!

— Бўлмаса мен приёмникни ўчириб чиқай,—деди Собиржон.

— Тезроқ бўлақол, — деди ўқитучи. У ҳазиллашиб Қумрихоннинг бурнидан чимчилаб қўйди-да, кулимсираганича идорага қараб кетди. Собиржон дарров приёмникни ўчириб чиқди.

„Ие, Қумрихон қани?“ — деди у атрофига қараб, ҳовлида Қумрихон йўқ эди. Собиржон унинг нима учун кетиб қолганини дарров тушунди: „Приёмникни бузиб қўяди“ деб қочиб кетган, албатта!

Собиржон бориш-бормаслигини билмай бирпас ўйланиб турди. Ҳаёлидан: „Чиндан ҳам бузиб қўйсам-а“ деган фикр ўтди. Лекин шу заҳотиёқ у ўз-ўзидан кулиб қўйди.

Нега бузиб қўяркан? Ахир у колхозчиларнинг приёмникларини қуриб беришда Жалоловга ёрдамлашган-ку! Ҳатто кейинги вақтларда унинг ўзи қуриб, Жалолов фақат назорат қилиб турар эди. Энди нимадан қўрқади?.. Жалолов ҳам унга ишонгани учун юбораётиттида ахир!..“

— Бораман, радиони билишлигимни исбот қиласман!— тўсатдан деди Собиржон негадир муштини қисиб.

Лекин... тұхта: у қайси Қурбон ака әкан? Клубнинг орқасида турадиган Қурбон акамикан-а? Ўша бўлса унинг 8-нчи „Б“ да ўқийдиган Жалил деган ўғли бор-ку. Собиржон уни қанча марта кружокка таклиф қиласа ҳам, Жалил қатнашмаган эди. Энди пушаймон қилаётгандир... Броқ, ҳали уми, у эмасми?

Собиржон олдин Жалилларникига бормоқчи бўлди, чунки уларнинг уйи бошқа Қурбон акаларнидан яқинроқ әди.

Соат тўртдан озгина ўтган. Кўмкўк тиниқ осмонда ҳозиргина ердаги боғларга, дарахтларга, даладаги кўкатларга сув сепиб бўлган сийрак оқ булутлар энди ўз ишларидан хурсанд бўлиб, қуёшга эркаланиб, сайд өтиб юрадилар. Кўмкўк майнин майсалар ҳўл бўлиб, яна ҳам яшилроқ кўринар әди.

Собиржон кўчага чиққач, кўкрагини тўлдириб нафас олди. Кўзларини юмган ҳолда қуёшнинг илиқ нурига юзини тутиб илжайди. Бироз юргач, негадир яна Қумрини эслади.

„Сен шошмай тур!“ — илжайиб деди Собиржон. У кўз олдига приёмникни қуриб бўлган пайтини келтирабошлиди.

Ҳамма нарса тайёр.

— Ҳозир Тошкент гапиради, — дейди Собиржон.

Қурбон ака мўйловини силаб (у ўсиқ қора мўйловли одам), яқинроқ келади, Қумрихон шодлигидан кулиб юбормаслик учун оғзини кафти блан босиб, қулоғини приёмнишка тутади. Жалил эса четроқда ҳўмрайиб турди, нега десангиз, унинг Собиржонга ҳасади келади...

Собиржон включательни бурайди. Кичкина лампочка ярқ этиб чўғдек қизаради, приёмник „жизз“ ётган овоз чиқаради, кейин ёқимли музика янграйди, ёки дикторнинг баланд овози эшитилади: „радиоэшитучи ўртоқлар!...“

Бирдан Собиржон елкасига кимнингдир туртганини

сезди-да, чўчиб бурилди. Олдида оқ тишларини ялти-ратиб синфдоши узун бўйли Тўлқин турарди.

— Каёққа кетаяпсан? Чақирсан қарамайсан-а? — деди Тўлқин.

— Курбон ака приёмник сотиб олган эмиш, юр қуриб берамиш! — деди Собиржон.

Тўлқин пешонасини тириштириб, нима ҳақдадир ўйлади, кейин қўлини силкиб:

— Ишим бор эди-ю, майли... радио қурадиган бўлсак, юр! — деди.

Улар тўғри клубнинг ҳовлисидан ўтиб, Қумрихонларнинг боғига кирган әдилар, Курбон аканинг ўзига учрадилар.

Курбон ака олма гулидек оппоқ кўйлак кийиб, кетмон блан ёш новдаларнинг тагини бўшатмоқда эди. Қумрихон ҳам шу ерда экан. У қўлларини тез-тез ҳаракат қилдириб, нима тўғрисидадир бидирлаб гапирмоқда эди.

Собиржонларни кўрган ҳамон Қумрихон худди бир нарсадан қўрққандек, қочиб дадасининг орқасига ўтди, кейин чўзилиб қарап экан:

— Ху авави кичкина бола! — деди Собиржонни кўрсатиб. — ҳали акам айтдилар, билмай бузиб қўяди, дедилар!..

Курбон ака Собиржоннинг уялиб қолганини сезди шекилли, мўйлаби остидан кулимсираб кетмонини четга қўйиб саломлашди.

— Хўш, радиони ким гапиртиromoқчи? — деди у бир Собиржонга, бир Тўлқинга қараб.

— М-мен, — деди Собиржон, уялганидан сал дудукланиб.

Қумрихон дадасининг орқасидан қийшайиб қаради-ю, яна дарров беркинди.

— Жуда соз, қани язаматлар, уйга киринглар... Ҳай, Қумри, елкамни мушукдек тирнайвермагин, қизим.

Дадасининг сўзларидан уялиб кетган Қумрихон чоп-қиллаб уйга кириб кетди.

Уй боғнинг ўртасида, оппоқ гуллаган олма дарахтлари орасида эди. Собиржон дарров „Антеннани шу уйнинг томига ўрнатамиз. Иккита узунроқ хода топиш керак“, — деб кўнглидан ўтказди.

Союзпосилторгдан келган яшиклар ҳали айвонда турарди. Уларнинг қопқоги ҳали очилмаган эди. Айвонда яшикларга тикилиб Жалил ўтиради. Қурбон ака ўғлига:

— Мана, ўртоқларинг сенга радио қуриб бермоқчи бўлиб келишди,— деди.

Жалил худди ёқтиргандек Собиржонлар блан ҳўмрайниб кўришди.

— Яшикларни очаверасизми, Собиржон? — деди Қурбон ака, тўсатдан „сиз“га ўтиб.

— Болға борми?

Жалил чопиб кириб уйдан болға олиб чиқди.

Собиржон яшикларни энди очабошлаган эди, деразадан қараб турган Қумрихон:

— Бувижон, айтинг, тегмасин! — деди йиғламсираб, — бузиб қўйса нима қиласми? Яна ашуласиз қоларканмиз-да...

Уйга кириб кетган Қурбон ака Собиржонни чақириб қолди. Собиржон болғани Тўлқинга бериб, ичкари кирди.

Ўйнинг тўрида кўзойнак тақсан олтмиш ёшлар чамасидаги бир кампир нимадир тикиб ўтиради.

Қумрихон бувисининг орқасида, унинг бўйнидан қучоқлаб турарди.

„Нега бу қиз менга бундай қарайди-я“ — ўйлади Собиржон. У әшикда тўхтаган эди, кампир:

— Яқинроқ кел, айланай,— деди мулойим овоз блан.

Қурбон ака ўнғайсиэланиб йўталиб қўйди:

— Булар сени радиони бузиб қўярмикан, деб қўришаётти,— деди у гуноҳкор илжайиб.

- Бекорга бузилаверадими? — кулиб деди Собиржон.
- Ҳой, болам, унақа демагин,— деди кампир күз-ойнагини қўлига олиб.— Ахир уни Тошкентнинг узидан олдирдик, ҳал!
- Бузилмайди, дедим-ку, бувижон!
- Кампир шубҳаланиб бошини чайқали:
- Қайдам, айланай болам, ўзинг менинг Жалилмидан ҳам ёш экансан...
- Унчалик бўлса, қўймайман! — сал аччиғланиб деди Собиржон,— менга қайта яхши!
- Йўқ, йўқ, унақа деманг, Собиржон,— кулиб деди Қурбон ака,— булар шунчаки қўрқишаётпи-да!..
- Бувисининг бўйини қучоқлаб индамай турган Қумрихон тўсатдан:
- Агар... агар бузиб қўйсангиж нақ кўрасиз! — деди кичкина муштини кўрсатиб.
- Бирдан Собиржоннинг ҳам жаҳли чиқиб:
- Агар мен уни ҳозир гапиртирмасам юрган эканман! — деди-да, тез бурилиб уйдан чиқиб кетди.
- Тўлқин яшикларни очиб, „Родина“ блан унинг батареяларини чиқариб қўйган эди.
- Ҳаммаси жойидами? — деди Собиржон,— антenna блан ерга улайдиган симлар борми? Изоляторлар чи?
- Борга ўхшайди. Мана, кўр.
- Жуда соз,— деди Собиржон. Кейин Жалилга буюрди:
- Узунроқ иккита ёғоч керак... Борми?.. Йўқ бўлса нима қилиб ўтирибсан? Бор, топиб кел! Тезроқ! — Собиржоннинг овози шундай кескин жарангладики, Жалил ўрнидан сакраб туриб, югуриб кетди. Собиржон қилинадиган ишларни дарров тақсим қилди: Тўлқин ёғочларни томга қоқиб, антenna ўтказадиган, Жалил деразанинг олдидан чуқур қазиб, ерга улайдиган жой қиласидиган бўлди. Собиржоннинг ўзи эса, Қурбон ака блан бирга радиони уйга олиб кириб, батарея блан приёмникнинг зарядларини улайбошлади.

Кампир тикаётган нарсасини четга қўйиб, столнинг олдига келди. Қумрихон эса таажжуб блан кўзларини Собиржондан узмасдан четроқда жим турарди.

Батареяларни улаштириб бўлгач, Собиржон югуриб ташқарига чиқиб кетди.

— Бу бола бир нарсани биладиганга ўхшайди,— деди кампир.

— Вой, ҳозир бирдан гапириб қолса-я!— деди Қумрихон, приёмникни силаб.

Тўлқин антеннани томга ўрнатиб бўлган бўлса ҳам, чамандек очилган боғлардан кўзларини узолмасдан олманинг тепасида ўтирасида.

У ўтирган жойдан атрофдаги боғлар кўринар эди. Майда оқ гулларга ўралиб олган дарахтлар катта маймоқ оқ булатни ёслатар эди... Ба’зи ўриклар нағис пуштиранг гулларга бурканган, улар ботаётган қуёшнинг сўнгги нурларида чўмилаётган пуштиранг булатга ўхшаб кетарди. Ҳарер-ҳарерда, оқ ва пуштиранг гулларга ўралган олма ва ўриклар орасида ямияшил бўлиб мажнун толлар ўсар, улар боғларга қандайдир зеб берарди. Қуёшнинг илиқ нурлари гулларда, майсаларда туриб қолган йирик томчилар блан ўпишиб, ўйнарди, ҳаво бу ерда яна ҳам мусаффо туюларди.

— Ҳей Тўлқин, нима қилиб ўтирибсан? Бўлдингми?— ҳайрон бўлиб сўради Собиржон.

— Буёққа чиқ!— деди Тўлқин.

— Нима қиласан?

— Атрофни бир тамоша қиласан, боғлар шундай гуллаптики!

— Э-э...сени қара-ю? Радиони гапиртирасдан туриб қанақа тамоша?— аччиғланиб деди Собиржон,— тезроқ туши!

Жалил ҳам чуқурни қазиб бўлган эди. У приёмники қуриш ишига қатнашаётгани учун жуда шод бўлса керак, Собиржон „сув олиб кел“ деган-да:— „Есть, ўртоқ командир,“— деб жавоб берди.

Собиржон симнинг иккинчи учини чуқурга кўмди. Кейин устидан бир челак сув қўйди.

Ҳамма нарса тайёр эди.

— Ҳозир гапирирамиз,— деди Собиржон.

Ҳамма столни ўраб олди. Қумрихон нафас олмасдан, қўзларини катта очиб, қотиб қолди.

Собиржон приёмникка антenna блан ерга кўмилган симни улаб бўлгач, сал ҳаяжонланиб қўлини включательга чўяди...

Уйга дарров чуқур сукут чўқди.

— Бир, икки, уч! — деди Тўлқин.

Собиржон включательни буради. Бир секунд унга бир йилдек бўлиб кўринди. Лекин орадан яна уч-тўрт секунд ўтди. Таажжуб: лампочка ёнмас эди!

Собиржоннинг юраги орзиқиб кетди. У қўзлари тагидан секин Тўлқинга қаради. Унинг қўзларидаги тараддуздни пайқаб қолган Қумрихон тўсатдан:

— Вой, бувижон, бузиб қўйипти! — деб юборди.

Кампир ҳам:

— Айтмабмидим? — деб гап бошлаган эди, Қурбон ака:

— Шошмай туринг, ойижон, олдин яхшилаб кўрсин — эҳтимол бир симини янгиш улаб қўйгандир, — деб Собиржонга тасалли берди.

— Нимада ҳам янгишардим? — ўйлади Собиржон.

— Тўғри, бир жойда янгишсансан, бўлмасамчи? — деди Тўлқин. — Ҳай қиз, сен кўп бақираберма! Собиржонни билмайди, деб ўйлайсанми, бекордан-бекорга бузилаберадими?! Балки приёмникнинг ўзи бузуқдир?

— Қўй, унақа дема,— деди кампир Тўлқинга қовоғини солиб қараб,— янги радил ҳам бузуқ бўладими?

Собиржон нима қилишини билмасдан бирпас ўйлашиб турди.

„Наҳотки батарея блан приёмникнинг зарядларини улашда янгишган бўлсан?“ — деб ўйлади у.

Мана: БАС-70 батареялари. Уларнинг плюс ва минус зарядлари уланган. Демак, тўғри. Приёмникнинг плюс заряди, батареяларнинг плюс зарядига, минус заряди минус зарядига уланган. Собиржоннинг юрак уриши тезлашиб кетди. У чўнтағидан рўмолча олиб, пешонасидаги совуқ терларни артди, шундан кейин батареялар блан приёмник зарядларининг уланишини кўзлан кечира бошлади... Мана, приёмникнинг плюс заряди-ю, батареянинг... Тўхта, бу қанақаси? Батареянинг минус заряди блан приёмникнинг плюс заряди уланиб қўйилиптику?!

Собиржоннинг юзига қон югурди.

— Топдим! — Шодлигини яшираолмасдан қичқирди у. Қумрихон ҳам:

— Вой, топди, буви, топди! — деб қарсак ҷалиб юборди.

Бир минут ўтмасданоқ кичкина лампочка „лип“ этиб, ҷўғдек қизарди, яна жим бўлиб қолган уйда ёқимили музика овози янгради.

Қумрихон ўзида йўқ севиниб, ўйинга тушиб кетди, мейин уялиб бувисининг орқасига бекинди.

Бирордан сўнг музика тугаб, диктор эртак айтабошлаган эди, Қумрихон:

— Бувижон, қаранг: „радио эртакни сиздан ҳам яхши айтаркан!“ — леди севиниб.

Ҳаммалари кулишди.

Кампир эса:

— Шошмай тур, энди сенга ҳеч эртак айтиб бермаганим бўлсин! — деди аразлагандай.

— Айтмасангиз айтмай қўяқолинг! Энди ҳар куни радио айтиб беради! — деди Қумрихон.

Собиржон кетишга рухсат сўради.

— Шунақами! — деди Қурбон ака. — Ҳўп бўлмаса, катта раҳмат, азаматлар!

Дадасининг қўлидан ушлаганича катта қора кўзлари блан Собиржонга тикилиб қолган Қумрихон тўсатдан

негадир қизариб кетди, қочиб дадасининг орқасига яширинди, кейин:

— Мендан ҳам раҳмат, Собиржон ака! — деди уялиб.

Кампир эса столнинг тортмасидан бир ҳовуч ёнғоқ, ўрик ва қофозлик конфет олиб, айланиб-ўргилиб Собиржон блан Тўлқинга узатди. Болаларнинг: „Йўқ, раҳмат“ дейишига қарамасдан, ҳад'ясини уларнинг чўнтағига солар ækан, тўсатдан:

— Ҳай, Жалил, нега булар радиини галиртирабилади ю, сен билмайсан? Ёки булар бўлакча ўқишдами? — леб сўраб қолди.

Жалил нима дейишини билмасдан, юзини тескари бурди.

— Энди Жалил ҳам билиб олади,— деди Собиржон.

— Барака топ, болам, ўсиб унгин,— деди кампир ва Собиржоннинг пешонасидан ўпиб, елкасини силаб қўйди.

Улар уйдан чиқаётib, кампирнинг Жалилга нималарнидир гапираётганини эшитдилар.

Кампирнинг нима деганини билмадим-у, лекин шу кундан бошлаб Жалил радио тўгарагининг ишига актив қатнашадиган бўлди.



1955
1 Б УзССР
18258

\$25.00

МУНДАРИЖА

Дастлабки қадам	3
Каптар	21
Гоголь тирик	30
Ирода	38
Дүстлар	46
Имтиҳон	54
Мустақиллик	60

*Ўрта вақатта ёшдаги
балалар учун*

На узбекском языке

Ахиль ЯКУБОВ

ПЕРВЫЕ ШАГИ

Госиздат УзССР — Ташкент — 1955

Редактор Р. Обидхўжанов
Техредактор Ф. Рағматуллин
Корректор У. Мұхамедова

Терини берилаи 16/Х 1954 й. Босишга рухсат втилди 24/ХI 1954 й. Формати 84Х120—2,25 бос. л. 3,69 шартли бос. л. ташир. л. 3,26. Тиражи 3-С00. Р09352. Индекс б/а. Узбекистон ССР Давлат Нашриёти, Тошкент, Полиграф кўчаси, 74. Шартнома № 327/54.

«Қизима Узбекистон», «Правда Востока» ва «Узбекистон Сурʼ» бирлашгани нашриёти ва босмахонаси, Тошкент. «Правда Востока» кўчаси, ўй № 34.
Бадоси I с.